

胡文忠公遺集

胡文忠公遺集卷十四

長沙鄭敦謹

編輯

湘鄉曾國荃

敬陳湖北兵政吏治疏

六年十二月初三日

臣查湖北軍務不飭已歷五年無論賊匪之多寡強弱而聞警先驚接仗卽潰者比比皆是上下相蒙恬不知恥推求其故則以將領不得其人紀綱不立而是非不明也深思紀綱所以不立是非所以不明之故則誤於使貪使詐之說不知己則先爲貪詐所使而曰吾能使貪使詐也豈不謬哉本省旣無得力之

兵將而川楚河賞勇目之黠桀者糾合無賴隨營投效以一報百以百報千冒領口糧交綏卽潰所投不合又顧之他國家之帑項至爲艱難而徒以供無賴之欲壑以此殺賊猶北轍而南轅勢必不可至遣散不得其方則相聚爲盜耳此近三四年楚北募勇之大患其流毒將有不可思議者矣古之治兵者先求將而後選兵今之言兵者先招兵而並不擇將譬之振衣者不提其領結網者不挈其綱是勞之也將自斃矣督臣官文上年受事以來收集兵勇力加整頓得力尤在馬隊之忠勇能使三軍之士風氣爲之

一變亦有前任硤南臬司降補知府魁聯久任寶慶
衡州岳州等處捐解私囊養士募勇已歷十年其志
趣公忠迥非庸俗可及經督臣官文派充總理營務
伉直明決知無不言釐剔弊端獨任勞怨實爲湖北
軍務必不可少之員目下力疾從公尙難羈以職守
惟馬隊及各營之精銳必應迅速進取而湖北本省
餉少勇多冗雜不治不戢自焚後患方大急應裁汰
浮僞簡鍊精銳可否臣 敕下魁聯幫辦湖北南北
兩岸水陸營務事宜責成一例簡汰該員曾任三品
大員應否臣 肅三品卿銜以重事權之處伏候

聖裁非臣所敢擅請至湖北綠營兵丁怯懦若

性正額虛浮軍政營制蕩然無存而其虛糜錢糧如故也現署提督楊載福才識嚴明如可假以二年必能整飭惟東征事急水師無可專委之員容臣再行

詳思訪舉另摺 奏聞此爲兵事急應整飭之要武

漢形勢壯闊自古用武之地荆襄爲南北之關鍵而武漢爲荆襄之咽喉武漢有警則鄰疆震驚南服均

阻控制無術本根旣搖四年之中武昌三陷漢陽四陷 國帑因而虛糜民生因而凋敝東南數省受害

之烈亦惟武漢爲尤甚矣昔周室征淮師出江漢晉

代平吳久謀荆襄王濬造船循江而下陶侃之勳鎮
守武昌宋臣岳飛李綱之謀畫岳鄂均以此爲高屋
建瓴之勢控制長江惟鄂爲要固東南一大都會矣
夫善鬪者必扼其吭善兵者必審其勢今於武漢設
立重鎮則水陸東征之師恃武漢爲根本大營有據
險之勢軍士無返顧之虞軍火米糧委輸不絕傷痍
疾病休養得所是則平吳之策必在先保鄂郡矣保
鄂之不失必須先固漢陽蓋漢陽爲江漢總匯武昌
僅南岸一府而漢陽則可通八府也臣查歷年湖北
之失在於漢陽並不設備江面無一水師下游小挫

賊遂長驅直入束手待斃莫可如何前車之覆殷鑒不遠應請於武漢設陸師八千人水師二千人此萬餘人者日夜訓練則平時有藜藿不採之威臨事有折衝千里之勢本境亂民隨時征討固可銷除隱慝且東征之師孤軍下勦善戰者必傷久役者必疲傷病之人畱於軍中不僅誤戰亦且誤餉若以武漢之防兵更番替代彌縫其闕則士氣常新軍行必利至水師以礮爲利器礮聲震疊無半年不小修之船亦無一年不大修之船更番迭戰以武漢爲歸宿則我兵常處其安而不處其危矣或疑武漢兩城公廩私

廬百不存一城周二十里設守爲難臣愚以爲非是
蚡冒藍縷以啟山林衛文作都訓農通商是在行之
以儉而訓之以勤耳苟此而不能守去之他處何益
此武漢宜急設防練兵之要湖北莠民之從賊者以
興國崇陽通城通山大冶廣濟黃梅爲最多臣於臬
司任內由岳州駐崇陽一月以保甲之法勒令首戶
網斬三千人未及畢事而馳往九江矣兵至爲民賊
來從逆及今不治終必爲亂治之之法兵勇搜捕不
僅徒滋擾害亦且事久無成惟有保甲清查戶族網
獻分別斬釋之法然而牧令不得其人則法不能行

害且滋甚其已被賊擾之三十餘州縣吏惰民驕其
未被賊擾之三十餘州縣官仇民而民且仇官夫吏
治之不修兵禍之所由起也士氣之不振民心之所
由變也官吏之舉動爲士民之所趨向紳士之舉動
又爲愚民之所趨向未有不養士而能致民亦未有
不察吏而能安民者臣恐湖北之民揭竿而起者不
必粵匪之再至而將盜弄潢池矣卽如五年大熟州
縣乃或報災經臣駁斥在案六年大饑州縣轉不報
災又經臣迭次駁斥在案以豐爲歉是病國計以
歉爲豐是害民生而終必害於國計又查積年以

來每遇歉歲官吏私收而

恩旨蠲緩者實惠不

及於民則有所謂挖征名目又有所謂急公名目無
一非蠹 國病民飽丁胥之慾壑而肥官吏之私囊
實堪髮指凡下與上交接之事諉之幕友而官不問
凡官與民交接之事諉之門丁而官不問詞訟案牘
病在積壓盜賊奸斃弊在因循夫州縣之所謂小事
卽百姓之大事今日之所謂小賊卽異日之大賊厝
火積薪更切隱憂又如軍餉浩繁不能不取給於捐
輸牙帖釐金以資小補報捐則有踈堂贄見之費牙
帖則有勒索之費釐金則有私設之費其所繳於公

者薄其所取於民者厚臣受事以來迭次特參均蒙

恩旨俞允在國自有刑章在臣亦甘爲怨府

惟深思利弊之原劾貪非難而求才爲難前者劾去
後者踵事而巧避其名則其弊將有不可勝言者矣

且賊擾之地官缺久懸觀望不前所在皆是臣愚以

爲必應嚴禁官場應酬陋習與羣吏更始崇尚敦樸
屏退浮華行之數年或可改觀人情固欲自使其私

上無所求則下可自贍責以廉潔而無辭風尙必使
先趨於正大官所好卽羣吏所瞻不煩董戒而自變
目下情形州縣尙懸缺待人可否臣救下部臣暫

勿拘臣文法資格地方吏治是臣專責容臣次第清

理分別委署如果試驗有效才具出眾臣奏請

試署以期實濟而利民生此吏治急應整飭之要以

上三事是湖北之先務其餘應辦事宜容臣等時

奏請臣恩訓刻下武漢甫經收復人或以為已治

已安矣而臣之所憂方大如以為已治已安則前此

固已收復二次矣况江西腹內七府尚淪於賊與四

年之僅失九江者情形迥異江西之腹內均與武漢

唇齒相依旁軼橫出又不僅九江安慶為足慮也未

收復之先事勢極難而文武尚有懼心收復之後布

置尙易而特恐文武均萌肆志外省粉飾之習久在
聖明洞鑒不揣愚昧直陳於
聖主之前可

否
敕下廷臣核議準行理合繕摺附驛以

聞伏乞
皇上聖鑒訓示

奏陳收復大冶興國等州縣水師迭次大勝江

面肅清疏
十二月十五日

十一月二十四日克復武昌縣城二十五日克復黃

州府城均經臣胡林翼具
奏在案二十六日李續

賓仍由黃郡南渡兼程而進會合富新巴克坦布及

臣營知府邢高魁所派各軍進剿大冶該縣本無城

池賊難竊踞知縣岳屏環率所練團眾會合我軍搜
斬餘匪卽日兼程直趨興國圍攻州城先是臣胡林
翼於九月內商同南撫賂秉章派道員王鑫督其舊
部並新募之勇已由巴陵臨湘通城崇陽勦賊迭勝
肅清餘匪於十一月二十五日駐軍通山辦理團練
已預斷賊之後路而李續賓又以屢勝之軍馬步齊
攻未及一時賊遂不支開城而出且戰且走我軍卽
乘勢而入殺斃轟斃及自相踐踏墮城而斃之賊約
一千餘名餘賊冒死而逃遂將興國州城克復以知
府邢高魁領軍駐此搜伏辦團兼辦保甲窮治土匪

李續賓隨會督馬步並調

臣

營精銳由江西瑞昌一

路追剿直達九江此十一月二十六日至二十九日

收復大冶興國鄂省南岸前後各州縣均已肅清之

實在情形也

臣

楊載福於十一月二十五日克復黃

州是夜四更卽率水師下駛二十六日申刻行抵蘄

州城小而賊力亦單楊載福計陸師之至必須稍緩

是可計取而速得也隨派正後營易景照新右營丁

泗濱攻城賊以陸師未至出賊三百餘人以拒我師

我師登岸擊之丁泗濱陣斬騎馬賊目一名奪乘其

馬直前衝陣易景照繼之殺斃先鋒悍賊二十餘名

賊仍入城拒守楊載福於三更後飭令正後新右兩營人持火器火繩分赴上下游登岸排列若陸軍之上下夾襲者火光環布列炬如星而以十餘營水師從中路對城轟擊未及黎明賊已遁走斬殺頗多遂復蘄州其時署蘄水縣知縣劉縉蘄水紳士郭時郁郭用中等之團勇連日殺賊亦將蘄水縣城同日收復二十八日水師由武穴下駛至廣濟縣屬之龍坪遇賊戰船六十號揚帆上犯橫列江面以拒我師臣楊載福令丁泗濱萬化林等營左右抄擊令王明山李濟清張啟基等營中流轟之賊不能支回柁下竄

我軍尾追且擊且燒至二塘口已沈燬賊船三十餘
號初更始行收隊二十九日午刻至九江見城下泊
賊船五十餘號對岸小池口亦泊二十餘號其輜重
船則兩岸約三四十號又於江岸護以礮壘臣楊載
福令丁泗濱萬化林兩營從中流衝下復轉柁而上
以抄攻兩岸賊船之尾王明山易景照兩營分擊其
腰李濟清張啟基兩營迎擊其首餘營則上下截擊
我軍旣已三面環繞擊斃淹斃之賊無算賊遂棄船
入壘以火箭噴筒相拒我軍并力以攻其壘賊又棄
壘入城賊之戰船輜重船遂悉爲我有除焚燒不計

數外正後營又獨獲長龍二隻舢板二隻副前營又
獨獲長龍一隻舢板六隻正中營又獨獲舢板二隻
副左營又獨獲大拖罟二隻長龍二隻舢板一隻正
右營又獨獲大拖罟二隻快蟹一隻正前營又獨獲
大拖罟二隻長龍一隻舢板十隻正左營又獨獲舢
板二隻新右營又獨獲長龍二隻舢板九隻副中營
又獨獲長龍三隻舢板五隻九江以上之賊船又已
片帆不返矣十二月初二日臣都興阿以其馬隊大
捷於曹家河克復廣濟此十一月二十六日至初二
日水師馬隊攻復蘄州蘄水廣濟又水師大捷於九

江奪獲賊船肅清江面之實在情形也是役也

臣胡

林翼於克復省城之夕將水陸各軍均交楊載福及李續賓卽夜下勦竄賊本屬無多創敗之餘喘息未定下游守賊及武甯竄踞興國之賊亦猝不及備驚惶駭潰望風而逃都興阿以馬隊分布兩岸追斬迅捷楊載福率領水師蹕厲風發焚奪尤多楚境江面一律肅清兩岸均已粗定惟須窮治從亂之莠民撫馭瘡痍整飭吏治乃可善後至江西七府均陷於賊存數萬之兵無一日之餉其兵力則以鄂省四月所撥援軍爲強然亦積欠數月之餉矣其餘則欠餉更

鈺會國藩於十月內密約臣等以武漢克復速派水陸各軍先攻九江以期批亢擣虛而內湖水師亦期迅速會合等語臣思兵行如水隨地異形緩急情形難以踰度武漢黃三府甫經收復應辦事宜頭緒紛繁勢難卽置省垣於不顧都興阿楊載福李續賓均已東下隨州土匪已定臣又檄飭參將鮑超改由北岸直趨小池口以瞰九江之對岸而統歸都興阿節制必可得力至此次出力員弁兵勇可否由臣擇尤另案彙保出自恩施逾格以昭激勸伏乞

皇上聖鑒訓示謹

奏

上諭

所辦甚屬得手楚境沿江業已肅清仍著官文胡林翼等督飭各軍迅即乘勝攻克九江府城以扼江面而圖進取此次出力員弁兵勇准其擇尤保奏候朕施恩欽此 十二月二十七日接奉

再臣思吳楚兵政之要必在精選水師南服之利在舟楫猶北方之利在車馬因地制宜古今不易查五年春初水師回駐武漢戰艦無多力扼上游岌岌不保經湖南撫臣駱秉章督飭船局礮局設法補救盡力籌謀水師得以復振其保全東南大局則湖南之功爲大計湖南紳局新造船隻配帶礮位軍械除分

給臬司李孟羣及陸續損缺更換遣回不計外實交
臣營大小戰艦三百餘隻自五年春截至六年冬止
湖南官局實運火葯四十四萬三千三百二十觔大
小礮子一百三十九萬九千九百觔擡槍鳥槍火箭
火毬噴筒鑼鍋帳房刀矛旂幟及一切應用器物爲
數亦復不少均係官紳董辦所有湖南總局司道大
員紳局委員勤勞數載力全大局臣系隔省未能詳
察可否臣乘敕下湖南撫臣擇尤保奏以勵前勞而
期後效出自臣皇上天恩又查水師器用利在礮
位自五年二月至六年三月臣等以其小礮敵賊大

礮血戰經年終不能制賊之死命六年四月二十六日粵東頭起二起夷礮二百尊到鄂遂於二十八日配帶礮位乘勢下攻九江賊眾披靡所向克捷秋冬以來所請六百尊夷礮陸續運齊自武漢至於九江前後賊艦數千均已片帆不返則又兩粵督臣葉明琛購運夷礮之力也夫器械不精卒以予敵是夷礮得力必應再爲購運以利東征更須嚴禁將備勿假利器勿借寇兵臣胡林翼與楊載福疊次申礮一年以來大小百戰均無損失惟查前請夷礮僅止六百尊配搭各省銅鐵礮位腔口較小不能摧堅及遠且

臣細察江面形勢四時風信武漢以上江面尚狹利用小艇薄皖以下江面稍廣利用鉅艦春夏風和利用小艇秋冬風勁利用鉅艦是船礮之大小亦必因時因地而斟酌損益之除三百觔夷礮現已足用暫緩購運外應請 敕下兩廣督 臣再購四百觔以上夷礮三百尊五百觔以上夷礮二百尊六百觔至七百觔夷礮二百尊八百觔以上五十尊千觔至一千五百觔夷礮五十尊共計八百尊均期七年春夏由湖南轉運武昌 臣即將各營銅鐵小礮更換實於征剿吳皖大有裨益又查武漢黃三府甫經收復楚

境大致肅清而人民商賈尙未復業臣胡林翼現於

武昌設局籌辦軍需凋敝之餘物力艱難尙不足以

供給東征水陸之用應請臣敕下四川陝西湖南

督撫臣仍遵前奉臣諭旨四川月解火葯三萬觔

加請月解火繩三萬盤月解鳥槍擡槍鉛子各一萬

觔陝西月解火葯三萬觔加請月解火繩三萬盤月

解鳥槍擡槍鉛子各一萬觔湖南月解火葯三萬觔

加請月解生鐵熟鐵合膛礮子十萬觔則水陸利用

軍行無阻出自臣天恩逾格謹附片陳奏

謹按片內所請解礮臣奉

旨諭令廣東四川陝西湖南各督撫遵辦

上諭湖南省自曾國藩統師東下卽籌備船礮接濟大軍甚資利用其經費均由在局紳士捐辦業經駱秉章奏請獎勵降旨加恩茲據胡林翼奏上年春初水師回駐武昌漢陽戰艦無多經駱秉章督飭船礮各局設法補救水師得以復振其接濟胡林翼軍營戰艦有三百餘隻並運解火葯礮子及一切軍械爲數甚多均係該省官紳董辦實能盡力籌謀不分畛域所有湖南總局司道大員並紳局委員前次未經保奏者著駱秉章再行擇尤保奏以獎勤勞欽此 十二月二十七日接奉

再布政使銜記名道李續賓於咸豐四年十一月十
九日欽奉

上諭補授安徽安慶府知府並準吏

部給發文憑因其時管帶湘勇轉戰攻勦未能赴任

暫將文憑畱於營次臣查李續賓統帶各軍廉正忠

勇才力可以獨當一面實江楚數省最爲得力之軍

賊所深畏前於克復鄂城後卽夜拔營下勦旬日之

閒連復郡縣數城肅清楚境亟應乘勝東征一時必

難到任且該員業奉 諭旨記名以按察使用可

否先開安慶府員缺伏候 聖裁除將原領文憑

送部查銷外理合附片陳奏

上諭官文胡林翼奏將帶兵大員先開本缺等語 著卽
開缺所遺安徽安慶府知府員缺著馬新貽補授欽此
十二月二十七日接奉

再十一月二十二日克復鄂城卽夜四更派兵下剿
其陣亡弁勇未及詳悉查報茲查水師副左營守備
銜藍翎千總羅光台藍翎外委湯日照胡有才副中
營藍翎外委彭其志外委朱載光陸師外委畱致祥
俱係克城之時力戰捐軀又黑龍江鑲藍旗甲兵依
慶額查係八月初三日在魯家巷打仗受傷至十四
日因傷身死均堪憫惜可否一併從優議卹以慰忠

魂出自

天恩除仍飭各營確查陸續請卹外理

合將查明之羅光台等七名先爲附奏

硃批羅光台等均照所請分別從優議卹欽此

同日奉

胡文忠公遺集卷十四終

胡文忠公遺集卷十五

長沙鄭敦謹

編輯

湘鄉曾國荃

恭謝

恩賞各物疏

七年正月二十二日

伏念

臣

濫膺疆寄兼領兵符報稱未及乎絲毫

栽培已侔乎覆載茲復時當元日

賚錫

九

天箕疇衍慶

龍章舒寶墨之輝

義冊徵祥

象緯發

瑤函之瑞飾垂組繡欣脫劍於虎賁用

溥泉刀擬銷鋒於犢佩重以絳果珠圓經傳上味瓊

英玉屑品藉延齡橘和楚臣之頌偕餽蜜以逾甘棗

廣幽雅之篇登豆籩而彌貴領

上方之糗餌迴

異傳餐蓐食之時飲

聖澤於醍醐不忘視影花

磚之候

臣

惟有益加黽勉刻勵駑駘俾三軍共感

恩慈使闔境咸登

仁壽進

天保升恆之

祝用敷錫厥庶民維日用飲食之經尙克自求多福

奏陳土匪竄擾滋蔓請將勦辦不力之鎮道參

將知縣分別參處疏

正月二十五日

竊查襄陽土匪竄撲均州旋竄房縣情形經臣官文

附片 奏報在案嗣據武昌鹽法道常恩稟報草店

孫家灣敗匪二三千人分三路竄入房縣該道督率

所部各營會同署四川松潘鎮德恩參領舒保馬隊
分路跟追自均達房萬山之中路惟一綫該匪以木
石堵塞隘口雖以得力馬隊亦難馳騁自如我軍設
法度越緩不濟急署房縣知縣金玉堂督勇於火燒
寺堵禦山徑分歧該匪已於十一月二十九日襲踞
房縣並分股於東浪地方憑險抗拒十二月初六日
馬步各軍攻克東浪擒獲匿匪高正果等初九日抵
房縣北門外紮營賊由東北門蜂擁來撲馬隊迎擊
賊退入城初十日黎明賊復來撲德恩督兵迎敵舒
保帶馬隊分途夾擊賊始大敗常恩督勇尾追生擒

偽檢點熊國才等二十一名十一日探悉賊目張二
瞎子分股竄馬驛地方其高二先張老六一股仍踞
縣城當卽會商進剿十二日至北關外渡河將房縣
城池收復賊由西門敗走十三日探賊已於十一日
竄陷竹山縣十四日賊又分陷保康縣十五日常恩
等追至塘灣地方十七日進攻竹山戰於七里坡逆
眾奔潰斬獲尙多生擒三十四名十八日移營火山
嶺二十日署陝西延綏鎮總兵龍澤厚領兵一千一
百餘名由鄖陽來會二十一日攻破南關賊營二十
三日渡河攻龍背山之賊二十四日賊以大股出北

門來撲我軍力擊之賊收回城是夜四更賊由西門
遁走收復竹山城池並分路追擊十餘里賊分竄白
鶴塢漁口郭家洲二十八日漁口郭家洲之賊竄竹
谿泉河白鶴塢之賊竄鐵峪河我軍分路截擊勝之
正月初二日泉河之賊回竄竹山縣之泥溝初三日
我軍以馬步分擊勝於白河口又勝於王家河初八
日偵知賊踞房保連界之茨坪十一日進抵保康之
柳楊鋪間道勦之獲勝十三日我軍冒雪由珠藏洞
而進登山擊之以少禦眾擒斬千餘內有黃衣賊目
一名搜出朱中立印記二顆其竄陷保康之賊則署

保康知縣方兆科署保康汛守備熊運泰於十二月二十五日將縣城收復賊竄縣屬歇馬河復合竹山房縣之賊於正月初七日分竄宜昌府屬之興山縣城經知縣孫寶田游擊劉廷麟旋即收復荆宜施道莊受祺派守備盧又熊率勇六百由宜昌北路徑赴興山進勦飭候補知州李光榮率勇千名由宜昌南路進勦盧又熊之軍與賊遇於當陽斬擒頗多李光榮之軍距宜昌府城四十五里未與賊遇正月十七日賊遂陷宜昌府城此常恩等督軍追勦房縣竹山而賊匪分陷保康興山復陷宜昌府城之實在情形

也臣查襄陽土匪前經舒保馬隊及知府唐訓方等
勦辦得手該司道等因餘匪未靖以唐訓方之一千
二百人畱守襄陽防其竄入豫境而常恩自率大軍
追賊當賊在襄陽勦敗之時常恩誤信黠賊馮二典
緩兵之計按兵三日待其投誠遂使窮寇得志勢成
燎原計襄陽匪徒起事以來所過州縣輒多失守惟
署均州知州升用同知直隸州吳嗣仲日夜堅守多
方抵禦力挫賊鋒不愧守土之職分可否仰懇
天恩以同知直隸州遇缺儘先補用並加知府銜
賞換花翎以昭激勸至已被賊擾之失守文武查

署房縣事候補同知金

駐守房縣左營游擊文

城守千總鄧

竹山縣知縣湯

署竹山協

副將揀發參將佛爾

署保康縣事揀發知縣方

署保康縣汛守備千總熊

署興山縣知縣

孫 宜昌左營游擊劉

雖因出城堵禦旋卽

收復究屬防範不力均應請

旨革職責令實力

防勦以觀後效署宜昌鎮總兵督標中軍副將景

知府阮 等並房縣竹山保康興山宜昌各城文武

應俟查明另摺參辦再查賊在均州時護鄖陽鎮總

兵揀發參將阿

督兵往剿使其迅速迎擊常

等亦迅速追勦前後夾攻撲滅自易何至縱賊入山
任其滋蔓雖稟報擒斬頗多而三失縣城又連陷興
山縣宜昌府城蜀道中梗荊州亦震實屬追捕不力
應請 旨將武昌鹽法道常 署四川松潘鎮總

兵德 護理鄖陽鎮總兵揀發參將阿 均摘去

頂戴以示懲戒 臣維鄖陽一府實三省邊防之要明

代設立巡撫 國初尚仍其舊嘉慶初年川楚教匪

竄入老山勞師八年擾害數省此次土匪游勇倡亂

方始巖疆要地將領非才若不及早勦辦實爲亂階

臣營精銳派勦九江小池口又派員分駐興國防江

西回竄之賊兼以搜剿餘匪其存駐省城各營不滿
二千人現經督臣官文派撥水師都司左光培並巴
揚阿張萬祿馬步各軍兼程駛往荆宜防剿臣復添
派寶營義營一千二百人倍道往援並飛檄畱防襄
陽之知府唐訓方知縣唐協和迅速會合上下夾剿
毋許再容滋蔓所有土匪竄擾入山請將剿辦不力
之鎮道參將知縣分別參處緣由理合會同督臣官
文恭摺由驛六百里馳奏伏乞皇上聖鑒訓

示

謹按此疏於二月廿三日接奉

旨準

圍攻九江大勝並破小池口賊壘疏 正月二十

八日

臣查九江形勢西挹武昌東引皖口襟帶中流實吳楚之腰膂對岸小池口則九江賊所倚爲唇齒者也布政司銜記名臬司李續賓率其湘軍五千人兼統臣標之仁字四營護軍四營凱字一營於六年十二月初九日陳師九江城下其城北面臨江西則龍開河賊以長城深濠圍之又環以礮臺三處南則甘棠湖中隔新壩而內外礮臺與壩相接其小東門則爲

白水湖洲路則通梅家洲湖口縣其大東門則通南昌南康臨瑞之路李績賓會同捉臣楊載福籌商水陸環攻之策復曳運舳板於內湖以攻之自十二月十三日更番攻城閱六日夜不息我軍負薪填濠城外之椿柵竹簽焚拔殆盡各軍士緣登二十餘次皆爲礮石所阻偵報梅家洲湖口縣賊援大至因密飭各營嚴整壁壘以待並授以分合進止之畧二十九日二更援賊抵八里坡天明則城賊援賊皆出一由龍開河繞甘棠湖涸處渡港而來約三四千人李績賓令正仁營何紹彩前仁營朱希廣左仁營黃勝日

右仁營何慶先按陣以待伺其渡港逾半齊力擊之
賊大敗回竄逼於港邊梟水而逸李朝斌率內湖舳
板擱壩轟之斃賊六七百名一由小東門而出會合
援賊列於八里坡約六七千人漸逼營外李續賓令
副左營胡裕發奇右營趙克彰護軍右營彭友勝護
軍前營萬綏之擊其前而以湘左營蔣凝學湘中營
蔣澤灃凱字左營楊得武由甘棠湖尾繞擊以湘後
營周寬世副右營李續燾繞出上八里坡擊其尾副
都統銜參領富新率馬隊李續賓自率湘右營並督
湘前營朱品隆護軍左營劉連陞護軍後營張復泰

潛由中路繞至上八里坡之下擊其腰自辰至未鏖
戰四時我軍益奮斃賊二百餘名陣擒僞將軍劉松
綢僞旅帥徐天方等六名老賊張羣材等九十餘名
其逼蹙淹斃於白水湖甘棠湖及東門外湖港者約
數百名奪獲擡槍鳥槍刀矛旗幟四百餘件馬八匹
訊稱逆首僞忠貞侯林啟榮以除日官軍度歲必無
準備因約會湖口援賊四面圍撲不意官軍橫截致
敗等語此水陸環攻九江並三十日迎勦援賊獲勝
之實在情形也北岸小池口與九江對峙賊造新城
已二年城外築壘濬濠密排礮位江甯將軍臣都興

阿與署提

臣

楊載福會商於正月初五日水陸馬步

合力攻之以副將銜參將鮑超之右營後營會同巴
依爾呼蘭之馬隊攻南門鮑超之左營前營會同翼
長多隆阿之馬隊攻東門提督孔廣順飭王玉琳方
映川率其步軍營總巴克坦薩林率其馬隊攻西門
鮑超獨率其親兵及其中營攻北門都司石清吉營
總米雅明阿率步隊馬隊繼之都興阿率參領喀爾
庫都司喻吉三四路策應水師則由江中轟擊以助
聲威而牽賊勢鮑超於三塘口先備茅柴派長矛手
六百負柴填濠四面攻撲同聲並進直造賊營踏燬

南路及北路土壘各一座關卡一座小壘無數殺賊二千餘名逼水淹斃者無算生擒僞元勳檢點蕭逆僞指揮陳逆並老賊百餘名奪獲騾馬多匹大礮十二尊劈山礮三尊擡槍鳥槍八十桿刀矛旂幟無算馬步乘勝直搗賊城賊負嵎死守礮石如雨仰攻踰時日暮收隊是役也將軍臣都興阿督飭攻勦士均用命賊壘悉破賊膽已寒其鮑超一軍尤稱勇敢後營營官陶忠泰右營營官陳德懋前營營官黃慶與統將鮑超均帶傷血戰不退一步其哨官勇目陣亡帶傷二百五十餘名奮勇爭先裹創力戰無敢退卻

此外馬步各營及環攻九江各營傷亡兵勇容再查明分別賞卹此正月初五日馬步合剿小池口連破賊壘賊卡大獲勝仗之實在情形也臣思南服之費惟襄陽荊州武昌爲最重次則莫切於潯陽明初陳友諒據此以擾鄂省明臣劉基請力爭江州覆其巢穴而江西湖北各郡之賊雖強亦敗蓋九江未復不惟南昌不安亦湖廣江南之大患我軍卽欲援剿皖江吳會而其道無由躡等而進可偶試而不可經久師行而米糧軍火均阻亦兵家之所忌也惟查六年八月石達開敗走之後逆首林啟榮知武昌賊勢必

敗日夜添設守具聚集米糧較四年臣等力攻九江時爲尤難小池口新作石城則又近二年之所增設者也反覆籌思惟有長塹圍困之一策現已督飭興工開濬並先圍攻小池口賊城以期迅速得手外謹將九江小池口連獲大勝緣由會同督臣官文將軍臣都興阿署提臣楊載福由驛六百里馳奏

上諭勦辦尙屬奮勇著胡林翼等先破小池口賊匪石城再圖克復九江毋稍延緩欽此二月十一日接奉

再查賊竄興山時荆宜施道莊受祺派都司銜守備廬文熊督勇六百又加募二百人由北路進勦以屏

荆州候選直隸州知州李光榮督勇千人由南路進
剿正月初十日盧又能行至當陽卽趨遠安十六日
大破賊於白虎渡斬獲無算十八日盧又能熊飭團勇
先由金豹嶺繞出賊後而自率精銳疾行迎擊賊方
集隊我軍突入其巢賊眾大亂盧又能麾軍縱擊斃
賊數百名團勇郝廷禧復由馬頭山橫截勝之並解
散脅從四百餘人奪獲鎗礮旗幟無算馬十二匹餘
賊潰竄南漳我軍陣亡弁勇二十七名受傷二十五
名李光榮抵宜昌迎剿路與賊左致陷宜昌二月十
九日回軍南門二十日賊以詐計突入其營內應並

古史考卷之三
作李光榮遇害荆宜施道莊受祺加派都司宗維清
督勇千人會同盧又熊進勦又派守備銜曹立全以
三百水師守枝江之江口力遏下竄臣查此股匪徒
頗多遣散之勇狡悍性成深虞滋蔓盧又熊奮勇無
前勦退賊匪先清遠安一路乃得回固荆郡大局所
關亟應先行獎勵可否仰懇 恩施逾格將都司

銜守備盧又熊以都司畱於湖北儘先補用並加游
擊銜以昭激勸除嚴飭援軍兼程進勦毋許逗畱外
容再籌派精銳陸續援勦以固荊州謹附片陳奏

謹按片內所保之員於二月十一日接奉

再水師副後營營官周清元於上年十一月二十二日攻克武漢督勇上擊右肘帶礮子傷甚重前於克復武漢兩城案內欽奉 上諭參將銜儘先游擊

周清元著以參將儘先選用並 賞給驍勇巴圖

魯名號賞加副將銜等因欽此茲據該員之兄千總周敦厚具稟該員受傷甚重醫治罔效於咸豐六年十二月初七日因傷身亡已爲撫立一子取名繼熊年僅五歲等情前來查該員係湖南湘陰縣人年二十六歲於咸豐四年二月入水師營是年四月克復

湘潭最爲出力拔充哨官攻克岳州蒲圻嘉魚金口等處奮勇爭先是年八月二十三日攻克武漢身受重傷猶復力疾從戎隨同下剿克復黃蘄田鎮等處十二月內瘡痕復發給假醫治五年三月假滿回營是年七月力攻武漢右腿受傷十二月內派管水師副後營事務六年四月水師焚剿江面賊船該員首先衝過武漢下紫沙口截賊糧援凡八閱月晝夜辛勤厥功甚偉十一月二十二日由沙口率隊上擊首先砍賊浮橋鐵鍊卽於是日克復武漢身受重傷毅然不退實爲首功該員由外委歷保參將加副將銜

自派管水師營務以來廉明愛士圍攻武漢一年身
經百戰身先士卒危險之際一力擔當尤見忠勇實
爲營伍中不可多得之將茲聞傷重身亡深堪憫惻
查該員受傷後計十四日委係因傷殞命尙在例限
之內應請照陣亡例從優議卹謹會同督臣官文署
提臣楊載福附片奏懇恩施照副將陣亡例
從優議卹以慰忠魂伏乞聖鑒訓示

硃批周清元著照副將陣亡例議卹欽此

奏陳畱防襄陽之馬步官軍以少擊眾先後大

獲勝仗疏 二月二十八日

臣查保康敗賊回竄歇馬河復會合竹山房縣敗賊分竄遠安興山旋竄宜昌當與督臣官文抽派水陸馬步星夜馳援並飛檄知府唐訓方知縣唐協和迅速進軍會合夾擊唐協和率勇八百取道南漳偵知賊已由南漳之東鞏嘯聚栗溪蓋鍾祥縣荆門州宜城縣三界之地也唐協和拔營夜行正月二十五日追及之賊分五路來撲約四千人而馬賊數百由中路衝突唐協和令副訓營按陣不動俟其逼近始以正訓營之右哨後哨左右橫出以截其腰三面圍殺斃賊三百餘名馬賊大敗各路步賊亦潰我軍追之

數里又斃賊千餘名及於栗溪賊憑房屋死拒唐協和縱火焚之燒斃賊五六百名尙有千餘賊從街後逃潰我軍又追殺十餘里斃賊百餘名奪獲鎗礮旂幟百餘件騾馬三十餘匹刀矛無數我軍勇丁受傷者三十餘人二十八日栗溪之敗賊千餘竄至南漳所屬倒座廟適參領舒保以馬隊百餘由襄陽巡哨見賊卽擊斃賊三百餘人生擒七名奪獲騾馬三十餘匹旂幟刀矛及紅黃衣巾無數追殺三十餘里而返此正月二十五日二十八等日唐協和在栗溪舒保在倒座廟均能以少擊眾各獲大勝之實在情形

也其由興山竄宜昌之賊聞我水陸馬步各軍均至不敢窺伺荊州遂由遠安當陽荆門宜城竄逸有復犯襄樊之勢二月十三日唐訓方自襄起程率四百人會集唐協和之軍兼程迎擊賊遂由宜城橫竄楊家集武安堰等處唐訓方恐賊復入山於二月十四日馳駐火神廟扼其要隘賊乘我軍初至營壘未就馬賊步賊突分三路來撲我軍寂然不動相持至久唐訓方乃以正訓右後二哨出左路以副訓全營出右路以正訓前左二哨出中路以吳祐棠率其勇爲援應我兵少而甚整賊勢多而甚囂甫及交鋒立斬

騎馬賊目十餘人賊遂回奔我軍乘勢追之擒斬百餘人奪馬七匹鳥鎗刀矛百餘件追殺六七里而止十五日移營得勝坡距武安堰八里正築壘開賊大出馬賊列左右山岡步賊居中約七八千人三面圍裹而來勢甚兇猛我營前隔一溪中有石橋唐訓方欲俟其半渡擊之狡賊竟不渡橋相持已二時矣我軍度賊氣已衰乃分路疾行擊之賊殊死鬪我軍鎗礮齊施火蛋飛擲猶不稍卻唐訓方怒馬直衝賊陣諸勇爭進聲震山谷賊眾披靡我軍遂乘勝掩殺自未至酉斃賊七八百人生擒二十七人奪獲大小礮

二十餘尊旂幟無算賊竄入武安堰城我軍鏖戰一日始收隊傳餐十七日遂移營逼賊而壘賊分三股出城來撲我軍奮勦斃賊二百餘人逼入城河淹斃者無算奪獲馬匹器械甚多賊仍敗入堰城此二月十四十五十七等日唐訓方在武安堰勦賊以少擊眾三戰三捷之實在情形也唐訓方稟稱此股賊匪係已革四川勇目劉尙義等勾串襄匪王士旺張瞎子等爲亂現踞之武安堰乃南漳縣屬鎮市向有小城而入山之路甚多襄陽道羅遵殿荆宜施道莊受祺稟稱副都統巴揚阿統率馬步諸軍已由荊州兼

程追賊十八日可到武安堰兵力已厚必能聚而殲
旃除飛催迅速圍攻勦除淨盡毋許一賊他竄外謹
將畱襄之馬步官軍以少擊眾先後獲勝情形會同
督臣官文恭摺由驛六百里馳奏再鄖陽均州光
化穀城尙有房保零匪往來竄伏爲數不多一俟武
安堰賊平卽速分軍搜捕不畱餘孽

奏爲遴派大員統領各路全軍圍勦山賊疏二

月二十九日

竊查武昌鹽法道常等追勦不力縱賊入山遂至
蔓延各處由襄陽而鄖陽由宜昌而荆門此勦彼竄

此復彼陷五月有餘迄無盡日總由統馭不得其人
事機坐失業將督兵之常等一併奏參摘頂嗣
查常才具平庸識見猥鄙又於特參案內請

旨將常革職亟應遴選大將以資統馭查有候補
副都統伊勒固爾巴圖魯巴揚阿督帶馬隊在楚
剿賊已歷二年紀律嚴明馬步兵勇樂爲之用以之
統帶各路諸軍圍剿山賊必能得力除咨巴揚阿並
飛檄襄鄖荆宜戰守各軍及_臣等先後添派之水陸馬
步並常原帶兵勇悉歸巴揚阿統領聽候調遣防
勤務期迅速設法圍撲淨盡毋許一賊再有他竄外

理合將圍剿山賊必須遴派大將統領各軍緣由恭
摺由驛具奏

再臣正在繕摺間接準副都統巴揚阿咨稱武安堰
之賊一律招撫而所以安置之法尙未咨明臣思受
降難於受敵自應先去脅從以孤其勢分散賊營以
弱其黨收撤軍械押送回籍以斷其反側之心若偷
安於目前勢必貽害於異日應交巴揚阿一手經理
以專責成再查均光逸匪尙未淨盡臣已飛咨各路
兵勇務須繞道截擊防其北竄理合附片陳奏
再臣接準軍機大臣字寄二月十五日奉上諭

本日據福濟等奏桐城兵潰廬州喫緊請撥北路馬步精兵三四千名來皖等語現在湖北荆宜一帶如已就肅清卽著官文胡林翼迅派陸路官兵一千名馳往協剿並督飭水師沿江東下以分賊勢欽此

臣

查湖北荆宜之賊聚集武安堰地方巴揚阿甫經招撫深慮反側未安兼有均光一股尙未淨盡未便卽行抽調

臣

官文

臣

胡林翼往返籌商應於臬司李孟

羣所帶兵勇內精選一千五百名先行裹帶行糧赴援皖省一俟襄陽荊州全境肅清再選精銳陸續資遣以相援應所有詳悉情形由督

臣

會奏辦理至外

江內湖水師當此春漲初起自應會合夾擊必期湖
口肅清趕緊東下以分賊勢業經臣胡林翼知會臣

楊載福彭玉麟迅速遵辦再查河南捻匪竄入固始

與湖北之麻城毘連英山霍邱賊匪蠶起與湖北之

羅田蘄州毘連均在都興阿大營之後臣卽遴派興

國各營迅速渡江急扼蘄州之張家塆以資防剿所

有籌辦大概情形謹附片陳陳奏奏

馬隊獨剿山賊又會南勇合剿連獲大勝疏三

月十三日

竊前因山賊大股竄聚武安堰經畱襄之馬步痛勦

旋經副都統巴揚阿招撫臣卽縷陳利害咨交巴揚

阿妥爲辦理以專責成其由房保竄逸郎均光穀股

匪專責唐訓方統領正訓副訓義營寶營速會副都

統銜參領舒保分軍搜截以期馬步相輔迅速蕩平

先是舒保在茨河勦賊聞賊竄穀城舒保因馳防襄

樊賊又竄河西冷家集舒保遂馳防老河口賊旋由

均州之黃家灣渡河竄李官橋竄厚坡又由史家岡

出境竄河南內鄉縣地方二月十八日舒保率馬隊

及之會合河南總兵邱聯恩勦斃賊匪七百餘名追

殺三十餘里餘賊不敢北竄仍欲竄老河口及聞舒

保回防遂竄黑龍寨至呂堰二月二十三日舒保獨
率馬隊馳鞠之又斃賊數百名此二月初四舒保以
馬隊星夜兼程獨追山賊而於十八二十三等日連
獲大勝之實在情形也賊敗呂堰卽竄雙溝轉竄棗
陽縣屬璩家灣適唐訓方及營總訥依琿阿馬步隊
由武安堰至此舒保訥依琿阿乃以馬隊山隆興寺
一路疾行繞出賊前賊率眾抗拒我軍鎗箭齊施斃
賊二百餘名賊返走蔡陽店而正訓副訓義營寶營
已由張家集一帶分追相值遂與馬隊前後夾擊大
破之馬隊跟追循環六七十里步隊分路追殺二三

十里斃賊六百餘名奪獲騾馬百餘匹鎗礮器械無算擒斬紅衣賊目張文治於馬上惟賊首高二先受傷撲入山溪并其馬賊百餘名步賊二三百名四散逃逸二十八日馬步乃分路追搜梁家集吳家集熊家集蔡陽店北太山廟薛家集黃龍壩峪山等處各有斬擒三月初四日偵賊竄匿張家集距樊城九十里舒保唐訓方商擬率兵勇多裹乾糧星夜馳殲當可尅期蕝事此二月二十七日馬步合軍據家灣勦賊大勝二十八日至三月初四日分軍搜捕之實在情形也臣查舒保忠勇樸實廉明愛士圍剿武漢經

年其馬隊最爲出力去歲九月調剿襄樊立解襄陽均州之圍克復樊城老河口又克復光化房縣竹山等處城池殲滅折竄保康股匪蹀躞蠶叢忍飢冒雪無戰不勝實屬至勁之旅賊所深畏除一面咨行舒保唐訓方等迅將賊首高二先敗匪弁襄鄖各處匪

匪搜剿淨盡尅期蒞事以慰

聖懷所有上年九

月以來出力馬隊及各路員弁兵勇團防紳民一俟襄鄖尅期肅清可否由臣查明分別請獎之處均候

天恩

硃批知道了出力馬步隊弁兵暨紳團等一俟地方肅清

均著擇尤酌保毋許過多欽此

再布政司銜記名臬司李續賓忠勇樸誠才堪濟變而整飭營務和輯士卒亦賴其胞弟李續宜幫辦之力圍鄂以來力籌戰守悉協機宜克復省城案內李續賓因係胞弟不列保單經臣查明未便掩其勞勩

又湖南石門縣教諭蔡用錫湘中宿儒夙諳兵畧臣

自勦賊以來前後在南省募勇逾萬蔡用錫訪求勇士資送來營者居其大半甚屬得力茲武漢克復木便掩其前勞候選同知李續宜可否免選同知以知府儘先選用並臣賞加道銜石門縣教諭蔡用錫

可否以內閣中書儘先選用並賞給五品頂戴

出自錄入天恩謹附片具奏伏乞聖鑒訓示

奏請謹按此片於某月某日接奉

旨準並旨以重罰罪木不出文

再二月十四日李續賓以陸師至九江官牌夾開濠

築壘水師出隊相護遙見老河內有賊帆下竄楊載

福率陳金鼇丁泗濱楊明萬等船行數十里追擊之

及於段窰焚賊船十餘號奪獲舢板一號陳金鼇營

內藍翎外委龔學書奮勇衝鋒先登賊船中礮陣亡

實堪憫惻合無仰懇天恩將外委龔學書照把

總例議卹以慰忠魂謹附片具奏

硃批龔學書著照所請議卹欽此

請飭催各省應解湖北月餉片

三月十三日

楚省軍餉仰蒙

聖恩節次飛飭山西陝西四川

接濟

臣

極知各省竭蹶情形曷敢再瀆惟楚境內外

到處十分荒歉軍營窘狀什伯去年錢米薪鹽無不昂貴並有以重價購米不出之處潯陽兩岸水陸馬

步諸軍往往糜粥度日其月餉本須二十餘萬舊欠

未清新欠復續北岸都興阿南岸李續賓馬步積欠

各三十萬楊載福水師積欠幾二十萬其上下防兵

守兵及派赴襄鄖征兵積欠亦將三十萬合計欠餉約五月六月不等一有餉到按名勻給敷衍數日空乏依然臣念九江馬步水陸皆至勁之旅出境遠征連年苦戰竟不能求一飽情殊可憫勢亦可危桐城之兵旣因飢而潰臨江楚軍復遇賊而挫唇齒相依倍深警惕刻下臬司李孟羣已經挑選精銳一千五百人復添募五百人應援皖省行糧夫價約須二萬兩臣已飭糧臺卽行籌給以利遄征臣與督臣再四思維籌諸本省地丁則兵燹災歉之餘極力催徵難有成數牙釐捐輸則巨鎮盡遭蹂躪極力搜括終不

豐盈鹽課則宜昌被擾川販裹足設法招徠亦難遽
期踴躍籌餉無術臣罪實深惟有仰乞 皇上天

恩俯念都興阿楊載福李續賓各營打仗得力於勦
賊事宜最有關係人懇勅下山西陝西四川各將應

解湖北月餉五萬兩如期如數而至雖難清償舊欠
亦可稍濟目前再督臣曾請撥粵餉並未解到一起
現聞粵省夷案已平仍懇 敕下粵省督撫亦按

月籌解五萬兩更請由部臣指定程限勿令爽期庶
士馬可期飽騰攻勦必能奮勉謹會同督臣官文附

片陳 奏

再前署沔陽州州同補用知縣鍾謙鈞前丁母憂回籍例應終制茲查應城縣石膏廢井熬鹽提課可裕民食必須廉明樸實之員爰爲經理該員前在沔陽州州同任內頗著循聲委辦捐輸釐金牙帖等事諸臻妥善合無仰懇 聖恩俯準將丁憂補用知縣

鍾謙鈞畱於湖北辦理應城縣膏井鹽課事宜俾收實效謹附片陳 奏

硃批依議欽此

胡文忠公遺集卷十五終

...

...

...

...

...

...

...

...

...

...

胡文忠公遺集卷十六

長沙鄭敦謹

編輯

湘鄉曾國荃

襄樊肅清疏

七年三月十五日

三月十三日

臣將

在襄陽馬步兵勇剿賊連勝情形

馳奏拜摺後卽據候補道唐訓方稟稱三月初四

日偵賊竄匿張家集與副都統銜參領舒保商定馬

步分兵裹糧圍剿之策又偵賊聚集餘黨沿村裹脅

四五百人意圖抗拒初五日大雪我軍乘雪夜行唐

協和率副訓營剿賊之西鄒漢章率寶營孫振銓率

義營勦賊之東舒保訥依琫阿率馬隊勦賊之北唐
訓方率正訓營自南迎擊而以五品銜生員吳祐棠
率其募勇伏馬家集密約初六日午刻四面圍剿是
日賊先出拒馬隊遇於白家集大破之賊反走各軍
四面乘之奮力勦殺賊衝突不能出圍雪融泥滑賊
多顛躓我軍就而戮之賊尸枕藉生擒百餘人據供
賊目楊五先高良璧等均被殲斃酉刻收隊傳餐探
得首逆高二先率數十賊梟水西遁我軍星夜五路
追之舒保唐協和又先於要隘設伏初七日天甫明
高逆等奔至郭家岡山下伏兵突出追兵亦至夾擊

之生擒逆首高二先張文質劉添喜朱傳焦安貴張
所寬六名餘賊悉殲無一脫者當將高二先等交襄
陽道府嚴訊卽行正法現在搜捕零匪襄樊已就肅
清等情前來臣查荆襄爲南北關鍵水陸通衢形勢
最爲緊要賊自上年九月起事僅數百人裹脅殆逾
數萬始因襄陽官弁見賊先潰繼因已革鹽道常
追勦不力驅賊入山蔓延莫制今幸仰仗天威

及時埽蕩而舒保訥依琫阿之馬隊唐訓方唐協和
之步軍或分或合悉中機宜能使首犯生擒全股撲
滅辦理實屬妥協藩司馬秀儒正直有聲升司襄陽

道羅遵殿民情愛戴於援兵未至之日力守危城迭
次擊賊復於餉項萬絀之時悉心籌策以資兵食實
皆忠勤備至其本地紳民團防協勦亦皆著有微勞
可否準臣擇尤保獎之處出自 天恩除飛檄馬

步諸軍搜捕零匪並飭地方官趕辦善後外謹會同
督臣官文將賊首就擒圍勦淨盡及襄樊尅日肅清
情形由驛六百里馳 奏

上諭 胡林翼奏官軍生擒匪首襄樊肅清一摺 此股匪

徒自上年九月滋事裹脅甚眾襄樊文武力守危城胡

林翼派往各員勦辦迅速均屬著有微勞所有出力員

弁及協勦之紳團等著準其擇尤保奏欽此

三月二十

二日內閣奉

分兵馳往廬州疏

三月二十七日

臣於咸豐七年三月十一日欽奉 上諭前因皖

省無爲州城被陷卽諭官文等分兵一千名赴廬州
助勦嗣因桐城兵潰廬州喫緊復經諭令官文等將
前調官兵一千名迅速派往本日據福濟奏逆匪大
股衝撲柘臯我軍失利距廬州祇數十里等語實屬
萬分緊急前諭派調之官兵一千名無論刻下起程
與否著卽再添派官兵一千名並派得力大員管帶

由黃州至宿松太湖一帶馳赴廬州軍營交福濟調遣將此由六百里加緊各諭令知之欽此仰見

聖謨廣運欽感莫名

臣

查鄂皖唇齒相依自應先其

所急惟

臣

於前奉

諭旨之時卽經委派臬司李

孟羣於所帶勇丁精選一千五百人前隊已經啟程復查廬州軍營必由六安州經過賊蹤四竄似應厚集兵力以壯聲威遵奉

諭旨再添派一千名遴

選參將趙鴻舉都司盧又能知縣袁懷忠等分營管帶均歸臬司李孟羣總統通計兵勇二千五百名軍裝長夫八百餘名其行糧夫價

臣

已飛飭糧臺設法

籌給於本月二十六日全隊起行兼程前往除飛咨
安徽撫臣外謹合詞由驛馳奏

官軍進剿江皖并擊退小池口城賊連獲大勝

疏 三月二十七日

竊臣都興阿駐兵陸家嘴偵知小池口下游段密地
方突來賊匪數千築壘當派副都統多隆阿率馬步
精銳往剿又派營總薩林祿昌率馬隊石清吉率步
軍伏於小池口東路以防城賊接應約舉號火爲夾
擊之計自率總管巴依爾呼蘭副將銜參將鮑超諸
軍駐小池口之西以牽賊勢三月初九日寅刻城賊

分三路來撲我營均經鮑超分勇擊退賊又分爲二股以一股迎拒我軍以一股往援段密我兵正在奮擊遙見東路號火巴依爾呼蘭鮑超奮力鏖戰參領都嘎爾防禦雙福率八十騎由賊城之下突馳而東城上鎗礮如雨僅傷斃馬一匹遂與薩林祿昌石清吉等前後夾擊殺斃及淹斃之賊約數百名奪獲旗械無算其段密一軍多隆阿行抵石板橋見賊壘已成濠溝二道密排椿柵營總密雅明阿參領穆精阿由西路繞進以遏賊援多隆阿率參領西林佈步隊姜玉順由大路直抵壘前壘中鎗礮外轟我兵攻逼

多時密雅明阿穆精阿擊斃援賊內之騎馬賊日并
悍賊多名又追殺百餘名仍馳回石板橋助戰我軍
見援賊已敗勇氣倍增拔椿踰濠鎗箭悉無虛發賊
不能支紛紛逃竄我軍追至八里江斃賊千數百名
淹斃無算生擒十五名據供殺斃內有著名逆犯僞
三十八檢點李姓僞左一檢點林姓並賊目三十餘
名奪獲騾馬器械旗幟大小鎗礮及僞印衣物數百
件賊壘悉平收隊之時小池城賊又出復經薩林祿
昌擊斃多名此三月初九日馬步官軍由小池口分
路下剿踏毀段窰賊壘大獲勝仗之實在情形也安

徽宿松縣屬楓樹坳地方距湖北黃梅僅數十里探
有賊壘三座憑高據險屢欲掩襲我營三月十三日
臣都興阿督飭馬步由黃梅往剿賊眾數千依山列
陣我軍分三路進攻多隆阿王國才由中路巴依爾
呼蘭孔廣順方映川由南路祿昌姜玉順由北路鎗
箭齊發賊抵死抗拒我軍乃分隊繞出賊壘之後縱
燒其巢賊大潰我軍前後夾攻賊遂棄壘而逃追殺
二十餘里斃賊千餘名平賊壘三座奪獲器械騾馬
無算生擒四十餘名內有偽監軍余姓一名據供偽
丞相鍾逆偽檢點楊逆於三月初七日由安徽帶賊

萬餘至宿松上犯湖北等語多隆阿孔廣順王國才等乘勝於十五日馳至宿松縣之獨山鎮陶家嶺地方見賊依山築壘七座掘濠三道密排木柵竹簽梅花坑寬逾數丈我軍馬步齊攻賊堅閉不出惟於壘中施放鎗礮各步隊於煙燄之中蹲伏漸進以排鎗攻其前相持二三時之久多隆阿巴依爾呼蘭遙望後路有大壘一座旂幟如林知爲賊目所在多隆阿定計繞道先破其壘則賊目可擒餘壘卽不攻而自破遂督率馬步數百人從閒道葦山而行繞出賊壘之後而賊尙不及覺也督飭開化勇姜玉順等拋擲

西...
才
火箭火蛋人馬嘶騰賊營火起我軍乘勢先登立破其壘賊眾膽裂亂竄前面賊壘六座均驚惶失措我軍前後乘勢掩殺斃賊二千有奇其毀賊營七座追殺二十餘里又斃二千餘名生擒甚多內有僞四十三檢點李兆禹一名賊目十餘名奪鎗礮刀矛騾馬無算是多隆阿之智勇兼全深明兵畧出奇制勝實爲近年罕見之戰功此三月十三十五等日官軍由黃梅進攻楓樹坳踏毀賊壘三座進攻獨山鎮踏毀賊壘七座均獲大勝之實在情形也先是小池口有賊在嚴家壩搭橋欲撲孔壠官營臣都興阿一面飭

知各營嚴堵一面知會楊載福水師並派鮑超出隊
十六日各營行至小池口西路城賊大出月明之下
馬隊先以數騎往來隄上而以全隊伏於隄下追賊
逼近伏隊齊出馳騁衝擊鮑超更率弁勇由江岸橫
擊馬蹶踐踏刀矛撥刺有聲賊尸枕藉免脫之賊僅
由麥田蘆林密處潛匿其撲孔壠賊匪亦被密雅明
阿石清吉等擊斃三四百名餘賊敗退入城鮑超率
勇緊追城上鎗礮連發鮑超身受鎗子一傷猶立馬
大呼指揮士卒拔椿越濠士卒帶傷頗多天明始行
收隊臣查九江小池口之賊負嵎不出臣都興阿定

計先勦江皖之賊以斷其黨援茲於旬日之內四獲
大勝殺賊近萬賊壘悉平洵足以壯軍威而寒賊膽
釜魚檻獸無難聚而殲旃除咨行馬步水陸乘勢攻
勦並查明傷亡員弁兵勇另案請卹外所有馬步出
境勦賊迭次大勝之出力員弁兵勇可否彙案擇尤
保舉以示鼓勵之處出自 聖恩

上諭官文胡林翼奏官軍踏平小池口附近沿山賊壘連
獲大勝各一摺 辦理甚屬得手著官文等卽飭帶兵
各員乘茲銳氣迅克小池口並九江府城以遏賊衝所
有出力員弁兵勇著官文胡林翼會同查明並歷次獲

勝出力人等彙案保奏候朕施恩欽此 四月初五日內

閣奉

再臣於三月十三日將九江兩岸馬步兵勇積欠情形附片懇請於山西陝西四川三省月撥銀各五萬兩欽奉 硃批另有旨欽此 聖慈優渥欽感

難名惟查九江兩岸馬步水陸欠餉六箇月數逾百餘萬迭據都興阿咨開派兵進剿皖省賊壘大勝四次奪壘十一座馬步力戰行糧不敷未能久駐皖省地界楊載福函開水師欠餉已逾六月刻下約會彭玉麟會攻湖口便圍安慶咨請酌給二三月口糧以

便越境討賊又密函軍氣不揚頗難彈壓等語

臣極

力設法每次批解總不過數日之糧貽誤事機倍深
悚惕竊念湖北欠餉已成積重難返之勢前欠未清
後欠又積九江兩岸之兵以都興阿馬隊楊載福水
師李續賓步兵爲最強卽異日肅清江南亦必賴此
三軍之力臣因上年秋成大歉民氣未復荆襄土匪
甫經就緒以致籌餉稽遲設使飢疲不振貽誤大局
臣罪更大反復思議急應注意於勁旅則其餘各營
必不致因飢潰敗惟現在營中飢困情形實有不可
終日之勢軍心之維繫全視餉項之多寡爲轉移盼

餉之殷殊常緊迫可否仰懇

皇上天恩於秦晉

蜀三省月餉之外特敕山西巡撫於山西藩庫河東鹽庫項下速籌銀三十萬兩專濟都興阿馬隊揚載福水師李續賓步軍雖於舊欠不過清償十分之三而目前可免飢潰勁旅先爲保全必於征勦大局有所裨益一俟麥收登場民氣稍復臣於鹽法釐金加意整理或可漸次彌補謹會同督臣官文附片具奏伏乞 聖鑒訓示

奏陳九江小池口兵將暫難抽撥疏

四月初五

竊臣等於咸豐七年三月二十日欽奉

上諭福

濟文俊具奏兵力不敷請添調北路勁兵一摺湖北
水陸兩軍之在九江者數幾二萬既據福濟咨商官
文等於李續賓所帶兵勇內分調數千名卽著官文
胡林翼斟酌速辦如九江卽可克復固應分兵協濟
若攻克需時亦應移緩就急酌量抽調欽此又於二
月二十六日欽奉 上諭楚北水陸各兵均已乘

勝東下王國才正在黃梅小池口一帶勦賊自系帶
兵得力之員惟滇省現當勦辦回夷各匪尙未得手
較楚省尤爲喫重著官文胡林翼卽飭該署總兵前
往滇省交恆春調遣藉資熟手欽此 臣等查會國藩

先後來咨江西內地兵勇數盈五萬而并無可籌之
餉是江西之軍情其患不在兵少又查李續賓本管
六千人益以臣之仁字四營護軍四營凱字一營亦
不過萬人迭據李續賓來稟分圍九江已得三面其
東路鎖江樓白水湖一帶尙屬空虛請益師四千人
臣尙無以應也是九江之軍情其患正在兵少臣嘗
游於江南自荆襄至於武漢水程千里自武漢至於
九江水程五百里九江之於金陵風利五日可至吳
楚緊要關鍵賊得之可以犯湖北與江西官軍得之
可以圖皖口與金陵固東南形勢之要所當視爲先

務者矣昔吳臣紀陟言長江五千七百里疆界雖遠

而險要必爭之地不過數四猶人有六尺之軀其護

風寒亦祇數處所謂險要必爭之地不過荆襄武漢

九江湖口耳是今日討賊之畧必先注意江面而後

江西之門戶可保江南之全局可圖又據李續賓劉

騰鴻來稟瑞州之賊勢已大蹙克復瑞州則兵力可

分若此時調兵分勦撫建分兵少則力不敵賊分兵

多則九江已空恐賊得乘虛以犯南昌兼援瑞州更

於江西大局有損臣官文臣胡林翼往返札商九江

一軍實屬無可抽撥至小池口石城賊所恃爲犄角

者也正月以來臣派鮑超以五千人扼小池口歸都
興阿調遣迭次攻堅士卒中傷六百餘人鮑超亦身
受四傷其王國才一軍三千餘人經臣都興阿派駐
黃梅進勦宿松自桐城兵潰廬州告警皖省之賊勢
復熾臬司李孟羣帶勇二千五百人由湖北羅田取
道六安甫於三月二十六日起程昨準都興阿飛咨
桐城之賊約三萬人大舉上犯下游兵力不敷咨調
派防襄陽之馬隊并臣所部寶營義營迅速馳赴宿
松助勦是皖省之兵事方殷急應力遏兇鋒相機進
剿鄂省兵力全勢注於下游非僅防其上犯實欲因

勢乘便進勦江皖也惟據都興阿咨開鮑超帶傷甚
重應給假在營調養暫委都司喻吉三代管營務提
督孔廣順所部不滿千人兼以傷病舉發難以逐日
出隊王國才獨當一路所部三千餘人急切無人統
帶皖省邊界軍務喫緊未便遽易生手惟有懇求

皇上天恩暫畱王國才進勦皖省實於北岸軍務
有所裨益所有遵 旨復奏緣由合詞恭摺五百
里馳 奏伏乞 皇上聖鑒訓示

硃批

覽奏均悉著照所請欽此

奏陳楚省鹽法乞酌撥引張疏 四月初五日

竊照湖廣兩

自淮鹽阻絕以來鹽法遂無章程惟

藉鄰省商販陸續運到以濟民食此實暫時權宜之計非可恃爲久遠也查潞粵各鹽成本較昂運販止及近邊不能行遠惟川鹽一水可通成本較少是以近年兩省食鹽實以川鹽爲大宗儼與淮運相埒咸豐三年前署督_臣張亮基奏請借撥川鹽引張派員督運著有成效因粵匪上竄遂未續請嗣後兩楚食鹽皆係私商運販經川省之夔關楚省之宜昌沙市抽提課稅後卽準作爲官鹽任其所之約計入楚之鹽以旺月計算每月約合川省水引九百餘張一千

萬觔上下此項鹽觔固未定有額數亦未給有引票
惟視楚省鹽價之長落以下來鹽之旺衰正月閒宜
昌有襄匪之警商販一月不前南省鹽價大昂民間
幾於淡食鹽之來楚與否其權皆操之商販不統於
官鹽法爲國之大政利權下移無此政體萬一姦
商欲操奇贏相率一月不至民間卽鮮食鹽一旦相
隨麇集先到者倍蓰獲利後到者又復壅滯堪虞大
非便民裕用之道臣等自省垣克復後卽再四籌商
擬仍援張亮基借撥川引之案而稍變通其法改爲
官運官銷仍不奪商販之利以每月銷鹽九百引計

算擬按月官運川鹽水引二百張餘七百餘引仍聽
商販自運由楚省派道府大員至川會同川省委員
按月督運仍照川省章程完納引課到楚後另派公
正委員勒限督銷其運鹽資本卽由川省協濟楚餉
內按月發交駐川委員承領運辦通四月報銷一次
其所銷鹽價並所獲贏餘一並解赴大營作爲軍餉
似此通融辦理其利實有數端楚省引地袤延數千
里之大民運衰旺不常官運源源不竭價值不虞頓
長缺乏隨處可通此一利也川鹽成本較輕倘經理
得人則贏餘頗厚以實軍儲不無小補此二利也川

省濟楚軍餉竭力供支尙虞不足茲畫作鹽本在川
省所籌仍不過照向月之數而楚省所獲較豐是不
增餉而有增餉之益此三利也南省米多而缺鹽北
省鹽多而缺米卽令委員運鹽易米以作軍食此四
利也民運七而官運其二既非占民之利且商販得
隨官運可免痞徒訛搶之虞此五利也九江之於金
陵風利不過五日可至是東征之師不僅目前之挹
注必以鄂爲根本卽異日之餉糈終賴鄂爲轉輸鄂
省一隅之地民力凋殘餉項日絀凡有資軍餉之事
幾於搜索殆盡此尤便民而不病商實可萬全無弊

如蒙

俞允卽求

飭下四川督臣每月借撥

楚省富順廠鹽水引二百張交楚省委員承辦並就近將濟楚月餉發交委員收領以免往返解運之煩其督運督銷章程並委員銜名敬俟奉到諭旨詳悉咨送戶部查核試行半年當有贏餘以資軍食卽可將蜀省月撥五萬兵餉再行奏請停止所有籲請借撥川引作爲官運緣由理合恭摺具奏伏乞皇上聖鑒訓示祇遵謹奏

硃批戶部速議具奏欽此

克復安徽英山縣城並添兵助剿疏

四月二十

四日

竊查鄂省克復以後拏獲奸細均稱該匪無日不思上犯窺伺武漢三月二十六日湖北臬司升安徽藩司李孟羣率二千五百人援皖啟行數日後臣接據署蘄州知州兼署羅田縣彭應鯉稟報四月初三日探得悍賊七八千人於初四日竄踞安徽英山縣城又由六安霍山壽州等處分股上竄當卽飛調各團分扼要隘親督練勇赴英山羅田交界之樂利河駐紮署蘄水縣劉縻督勇駐蘄水之雞鳴河查爾山朱洋河一帶適李孟羣援皖之師亦至卽飭都司盧又

熊集於羅田境上初五日彭應鯉擊賊於梁家灘勝之初六日英山之賊分股出楠梓堰西陽河兩河口蒲蘆盆以撲我營彭應鯉又勝之斬二百餘名生擒六十名我軍傷二十六名陣亡一名盧又熊率其營截賊於途斬大旗手一名追殺至楠梓堰生擒四名而返賊卽退回英山初七日賊添集六安霍山之眾大股又至盧又熊戰於樂利河身受多傷勇丁稍卻李孟羣揮軍援之仍將賊擊退初八日賊分五路撲蘄水雞鳴河一帶把總徐兆達會蘄水紳勇擊退初九日羅田團勇擊擄糧之賊獲米百餘石而是日蘄

水團勇失利於雞鳴河李孟羣又飭盧又熊帶傷往
援仍有擒斬賊乃於一晝夜內合數路之賊併力齊
撲意在乘虛而上彭應鯉聞信準備李孟羣卽飭參
將趙鴻舉游擊張得勝江蘇候補知府朱啟仁湖南
候補同知楊恩徽分頭迎剿而密令羅田縣在籍安
徽候補同知廖新率團勇抄賊之後賊固未之覺也
十一日賊隊大至我軍一由兩河口攻其南一由四
口塘攻其北一由西路攻樂利河彭應鯉由大畝河
戴家畝等處進駐扼賊下竄自辰至申鏖戰四時之
久斃賊二千餘名並騎馬賊首四名生擒三百餘名

奪獲無算反走之賊則爲我軍抄後之兵迎頭截殺彭應鯉率其團勇乘勝克復英山縣城其竄至雞鳴河之賊經盧又熊會蘄羅各勇截於河干使不能越遂向太湖一帶東竄此四月初四至十一日我軍屢次大勝並越境克復英山縣城之實在情形也現在各軍回剿蘄州之賊英山久無官守李孟羣卽檄廖新暫理安徽英山縣事臣查北岸之黃梅廣濟羅田蘄水皆與皖省接界據李孟羣稟稱自羅田橫至蘄水蘄州之界均有賊營十餘處而蘄州蘄水另有股匪萬餘分道竄入下游官軍均在賊後請派兵援剿

遇其上竄

臣

查皖之霍六宿太等處無處非賊豫省

三河尖等處賊蹤尙熾江甯將軍

臣

都興阿咨稱大

股賊眾竄逼必須添益兵力

臣

卽飛調興國防兵二

千五百人於四月十二日由蘄州渡江進紮張家坊

又調前赴襄陽之寶義兩營回省而先派參將葉永

泰率虎營六百人自省馳赴北岸會同堵剿斷不敢

稍分畛域致有疏虞且使援皖之師不虞後路之梗

塞至彭應鯉勇敢樸實率領羅田團勇兩年以來越

境討賊迭著戰功此次帶勇克復英山縣城尤堪嘉

尙李孟羣以援皖之師途次接仗亦協機宜所有尤

爲出力之候補知州署蘄水知州兼署羅田縣知縣
彭應鯉可否以知府用以示激勸其餘出力堵剿官
紳員弁兵勇應請查明彙獎除飛飭藩司李孟羣迅
卽取道六安馳援廬州外所有官兵團勇疊獲大勝
並越境克復英山縣城仍添兵助剿情形謹會同督
臣官文江甯將軍臣都興阿由驛六百里馳奏

上諭胡林翼奏官軍剿賊疊獲大勝並越境克復安徽英
山縣城一摺 勦辦尙爲得手著卽乘勝進攻俾北岸
一帶迅就肅清所有尤爲出力之湖北署蘄州兼署羅
田知縣彭應鯉著以知府用以示鼓勵其餘在事出力

員弁並著該督撫等查明保奏欽此 五月初二內閣奉

五月二十二日

五月二十二日

五月二十二日

胡文忠公遺集卷十六終

胡文忠公遺集卷十七

長沙鄭敦謹

編輯

湘鄉曾國荃

編

十皖賊上犯官軍援剿獲勝疏

七年五月初二日

督發

臣等迭準江甯將軍都興阿來咨及安徽藩司李孟

羣稟稱皖省賊匪並力上犯已分道竄入黃梅廣濟

蘄州蘄水羅田五州縣邊界希圖梗截大營後路並

以阻遏援皖之師路歧賊眾防不勝防亟應厚集兵

力以資堵剿等語臣等再四籌商實無可增之兵而

警報紛來不能不移緩就急當抽調記名臬司李續
賓統帶之湘左營湘右營前仁營一千五百人渡江
以小池口而以原駐小池口鮑超五營分移孔隴黃
梅其蘄州羅田一帶則調興國防兵福武寶三營渡
江應援恭鳳二營繼之又由省調虎營六百人助勦
李孟羣援皖之師則由羅田直抵英山過其上竄四
月十八日同知銜候選知縣李景湖率福營都司金
殿安率前左寶營守備余雲龍率武營由青石嶺大
路署蘄州知州彭應鯉都司盧又熊等率羅田勇由
王家壩小路同攻張家塆賊與青石嶺官軍相持羅

勇抄後夾擊盧又熊督勇接應大勝之斃賊千餘名
內有僞指揮一名奪獲刀矛旂幟資糧無算十九日
賊大股來犯福武寶三路分進而賊又分七路來衝
李景湖率勇直前斬悍賊數名賊稍卻而七路之賊
漫山遍野寶武二營爲賊隔截李景湖率守備銜藍
翎千總張鵬高楊高桂把總胡開禮六品翎頂朱大
倫衝突鏖戰眾寡不敵同時陣亡營勇亦亡二百餘
名參將張寅恭揮兵迎擊福武寶三營又回兵合攻
斃騎馬賊二名殺數十名賊始敗退我軍追五六里
而返二十日參將葉永泰率虎營至二十一日都司

徐統恩自興國率鳳營亦至是日卯刻賊於河北分
六股河南分入股約萬餘眾官軍各堅壁以待賊數
次誘戰相持不動日午賊懈始尾追之頗有斬獲二
十二日賊又分股萬餘由芭茅街竄撲夫子嶺二十
三日蘄州青石嶺各營因營官戰歿軍中無錢購米
忍飢一晝夜勇丁稍有潰失其不潰者退保蘄州臣胡
林翼飛調候補知府邢高魁由興國渡江一面籌運
米石飭令仍加整頓力扼蘄州又加派都司段清平
張志超率平超二營一千二百人由省疾趨黃州會
同署黃州府許廣藻署黃岡縣黎道鈞扼蘄水上竄

之路臣官文先期調襄陽馬隊百人回援因記名副都統舒保有功於襄陽士民遮道挽留遲至四月十五日始率其所部百人起程副都統銜巴揚阿遣散川勇甫抵宜昌檄令迅速回援此四月十八至二十三等日皖賊上犯蘄羅互有勝敗並抽調救援之情形也都興阿駐下游陸家嘴偵知賊竄黃梅縣屬之亭前驛渡河橋一帶隨派多隆阿率馬隊往剿二十日賊分三路各萬餘撲縣城多隆阿同王國才及各營總分路擊之馬隊踰溝越嶺追賊過河毀賊壘二座忽賊由山坳抄我步軍之後我軍回騎渡河策應

斃賊四百餘名內有黃馬褂賊目二名生擒十四名
奪獲旂械百餘件河橋礮位俱被官兵掀墮水中各
處賊壘共六十餘座我軍馬步分防相距一百餘里
策應不便二十三日派鮑超以霆字二營移孔壠李
續賓以九江三營移陸家嘴而小池口之賊乘間突
出經營總巴克坦布參領奇克興阿防禦蘇清阿等
督隊馳勦都興阿由孔壠督隊接應擒斬頗多先是
賊伏二三千於蘆葦中而以悍賊數百誘戰官軍由
江岸遙見蘆葦隱動遂以鎗箭環施馬隊亦由江岸
橫抄合擊立斃伏賊百餘名生擒九名餘皆帶傷而

逃是夜我軍分百人潛過渡河橋攜帶火彈火箭伏於麥田深處二十四日都興阿督領馬步攻渡河橋多隆阿帶馬隊及霆字前後營並姜玉順黔營密雅明阿帶馬隊及霆字中左右營倭克錦依林同王國才步隊分路齊進賊麕聚數萬隔河對放鎗礮我軍數路齊進同時渡河立破賊營數座賊卽反奔麥田之伏兵見大隊得手卽向各營壘拋擲火彈賊益驚潰乘勢併力連破賊壘二十一座斃賊二千數百名賊壘棚帳盡行焚燬煙焰騰空奪獲騾馬四十餘匹旂幟器械無算尙有賊壘三四十處依山傍水未卽

全燬此次悍賊僞豫天侯陳玉成由桐城率三萬餘
眾又裹脅皖省飢民數萬併力上竄得此一戰賊氣
已挫人心稍定此四月二十及二十二二十四等日
下游馬步各軍移剿獲勝之情形也

臣

等查武漢克

復之後該逆無日不思上竄且自江甯桐城安慶至
於九江千里而遙沿江並無官軍阻截飢民游勇混
入賊中非合全軍之力不能截遏賊鋒查九江及興
國各營均已抽撥移駐而寶義平超四營又分赴黃
州蘄水省城守兵不滿千名添兵則餉無可籌餉竭
則兵心益渙李孟羣原帶二千五百人昨據稟稱添

募千人乃能由羅田一路馳援廬州惟偵知六安霍邱有賊萬餘已至流波磴又舒桐霍邱之賊陸續至者亦復不少必須添兵益餉等語臣等接信實深焦灼現在楊載福水師聯布江面尙爲安靜馬隊千餘人迭次力戰往來策應頗覺疲勞已飛催舒保巴揚阿訥依琫阿各率馬隊兼程馳赴策應除飭各路水陸馬步乘勝力攻並查明陣亡弁勇另行獎卹外所有同知銜候選知縣李景湖守備銜藍翎千總張鵬高楊高桂把總胡開禮六品翎頂朱大倫從戎三年忠勇素著此次相隨血戰同時捐軀實堪憫惻可否

仰懇 天恩準將李景湖照知府例張鵬高楊高
桂照都司例胡開禮朱大倫照千總例均予從優議
卹以慰忠魂謹將抽調省兵及興國防兵赴援蘄州
蘄水及馬步官軍移調勦賊獲勝情形謹合詞由驛
六百里馳 奏

官文等奏赴援移勦連獲大勝一摺 此次賊由桐
城上竄經該督等調援策應疊獲勝仗大挫賊鋒著卽
激勵將弁乘勝進攻將續至援賊盡數殲除毋令上竄
所有陣亡之同知銜候選知縣李景湖著照知府例從
優議卹守備銜藍翎張鵬高楊高桂均著照都司例從

優議卹把總胡開禮六品翎頂朱大倫均著照千總例
從優議卹欽此 五月初九日內閣奉

再臣等於四月初四日四月二十二日先後準兵部
火票遞到恭奉 上諭飭臣官文臣胡林翼於襄

樊等處征兵內湊撥一千名派赴河南助剿等因欽
此遵查河南捻匪屢被擊敗復勾結粵逆竄擾潁上
楚北虜齒相依亟應分兵助剿惟鄂自武漢克復當
因餉項不支兵勇陸續裁撤以節糜費現在皖賊由
宿太英霍等處大股數萬人上犯連日調撥馬步各
軍馳往防剿尙嫌單薄卽省城守兵不過千人襄陽

甫就肅清仍恐漏網餘孽狡焉思逞馬隊全行調赴
黃州蘄水一帶防堵僅畱候補道唐訓方一軍千餘
人現因鄖陽尙有餘匪又分去四百人前往搜捕臣
等再四籌商刻下情形尙難抽撥相應籲懇 天

恩俯念楚皖邊界軍務喫緊未便再分兵力一俟蘄
水蘄州羅田黃梅等處賊匪擊退再行籌商抽撥斷
不敢稍分畛域以仰副 皇上埽廓疆圉至意所
有遵 旨覆奏緣由謹合詞附片具 奏

再武漢爲東南樞紐八省咽喉而江西安徽河南尤
爲切近自古用武之地賊所力爭楚自軍興以來武

昌三陷漢陽四陷其大較也此次大股皖賊分道內
犯用意至狡籌餉則苦於兵多調兵則又苦於兵少
下游餉項積欠五月有餘計數百餘萬兩偶有接濟
僅敷數日之糧岌岌不支勢難終日安慶桐城六安
之賊彌山遍野而北岸之前敵可慮瑞州臨江吉安
之賊負嶠死守而武昌之後路仍虛兼以羅田蘄水
蘄州黃梅廣濟麻城路路可通防不勝防兩岸大軍
均駐潯皖之境注意東征並非爲湖北設立防兵賊
之閒道內犯實欲搖動東征之師使我軍餉道梗塞
回顧武漢乃得逞其奸謀也萬一餉竭兵譁江皖豫

三省之賊乘虛而入大局不堪設想就現在情形而論厚集兵力或可力遏兇鋒所患欠餉日久軍心渙散水師馬隊當思竭力保全防兵守兵更宜及時招募蓋鄂居天下之中兵弱則四面受敵兵強則四路均可策應熟慮審思鄂之安危關係東南數省無如兵燹之餘加以饑饉民氣凋殘未敢操之過切兼以賊蹤緊逼商民裹足鹽釐各項催收不易合無仰懇皇上天恩俯念鄂中兵餉寔在不敷皖賊現又大至都興阿馬隊楊載福水師李續賓步軍實東南不可少之勁旅請臣飭下四川山西陝西督撫

於每省按月籌撥銀五萬兩務須如數如期委員解楚以濟飢軍以全大局實深迫切感盼之至

武當山竄賊殲除襄鄖肅清疏

五月二十一日

竊查襄匪蔓延節經舒保唐訓方率馬步分路痛剿兜逼於武安堰該匪窮蹙投誠經已陽阿招撫其另股復經舒保唐訓方等殲於張家集白家集並擒逆首高二先等襄陽大致肅清均先後具奏在案旋因皖賊六七萬人分犯楚邊襄陽馬步陸續調援北岸而鄖陽餘匪尙遲勦辦經鄖房竹山竹谿沿途各縣會合營汛并已革署房縣事候補同知金玉堂竹

山縣知縣湯一德署保康縣事揀發知縣方兆科署
興山縣知縣孫寶田暨已革參將佛爾國春等督帶
團勇隨同各縣文武往返追剿屢獲勝仗多有斬擒
無如山徑紛歧此挈彼竄臣恐稍遲時日勢復燎原

卽飭唐訓方率師星夜直趨房竹一帶合兵圍剿該
匪晝伏夜行於四月十五日麇聚於均州之武當山
頂是山巒亘數十里懸崖峭壁蹊徑絕該匪將山
路砌斷爲恃險負隅之計州牧吳嗣仲派勇扼斷山
前之路其山後西南爲中觀西北爲黃土堽正西爲
豆腐溝唐訓方捲甲疾趨於四月二十九日抵豆腐

溝絕其後路先是賊竄竹山縣屬之磚柰河等處陝

西撫

臣

曾望顏咨調署延綏鎮總兵龍澤厚自鄧州

起程來勦至是會合楚軍紮營中觀唐訓方以訓營之勇賊所素畏乃於豆腐溝多樹訓營旂幟虛張聲勢自率勁勇督訓導吳佑棠之勇駐黃土壩守備唐蒸雲率右哨合鄉團生員魏寶鑑之勇駐下觀陝兵分兩路繼之約山前圍勇聞礮聲悉力進攻畱中觀爲賊敗走之路而龍澤厚隱伏所部掩息旂鼓以俟之五月初三日五更銜枚齊進破賊二卡而天猶未曉也我軍攻第三卡山頂之賊乃大譁鼓角齊鳴如

欲出戰迨第三卡破而賊乘屋擲瓦石自壁間放鎗礮以死抵拒我軍轟斃十餘賊懸崖壁立仰攻不能得手其拒我前哨者一踞釣鐘臺一踞燕子峯箭石如雨我勇礮斃匪首沈窰匠并礮斷陳老五左臂而賊仍死守自寅至巳攻撲三時之久仍不能入而龍澤厚所部兩路之兵及山前圍勇大至矣其一由下觀進一則繞出山前由南巖踰分金嶺直撲山巔鎗礮環施賊應聲倒者數十名乃蟄伏牆內及石壁間火器難施又踰二時終不能入諸軍就山半食乾糧藉息兵力徹夜圍之賊窮蹙欲西竄見豆腐溝燈煌

煌如火城復退走四更時賊由中觀逸出甫及山腰
龍澤厚伏兵大起斃賊無數擒四十八名鄉團復擒
四十九名後出之賊驚而復返時尙黎明也初四日
辰刻諸勇跟蹤直上徧索新樓高樓天合樓等處無
一賊蹤知賊踞山巔金頂城諸軍欲力攻唐訓方獨
以謂金城高而無水賊糧悉屯於外困之賊必自斃
遂率諸軍分駐於山門之外取賊糧以供食密令投
誠之張興邦往招之初五日賊首黃大成趙才自縛
來降唐訓方諭羣賊繳器械並開具賊匪名單交龍
澤厚點名計二百十八人蓋大股則先日逸出盡爲

龍澤厚伏軍所殲也又訊釋被擄百姓五十八名仍
將首逆黃大成卽黃老二趙才江服子張起才賈毓
松牛奎易三元及其餘黨二百餘人悉斬之襄鄖股
匪至是遂無餘孽矣臣查此股匪徒迭經痛剿乃以
漏網餘生復圖嘯聚經官兵追逼竄踞武當山頂恃
險抗拒數日之內聚而殲旃實足以彰天討而

快人心唐訓方調度有方機宜悉中龍澤厚不分畛
域協力會剿均堪嘉尙現在宿松黃梅蘄州一帶賊
匪聯營各二三十里馬步防剿援應日夜疲勞亟須
添集兵力當飭唐訓方畱四百人交同知唐協和管

帶添募五百人交吳佑棠管帶仍駐襄樊以資彈壓
卽令唐訓方馳赴蘄黃防勦兼可遙制興治戒備邊
防現接安徽藩司李孟羣署羅田縣知縣彭應鯉來
稟六霍之賊經我軍兩次擊截退回太湖辦理尙爲
得手舒保巴揚阿等馬隊均到蘄州除飭各軍趕緊
進剿仍嚴催李孟羣乘勝馳援廬州並另查傷亡弁
勇分別請卹外所有龍澤厚一軍出力員弁應請

飭下陝西撫臣查明獎勵其餘在事出力員弁兵

勇可否由臣擇尤保獎仰候天恩

再此股土匪先經官兵擊敗旋撲房縣再竄竹山又

分股竄至保康迨保康收復又合房竹之匪撲陷興
山各該縣文武均以山路崎嶇攻擊驟難得手兼因
出城堵禦猝不及防以致城池失守雖旋即克復究
屬疏於防範經臣等查明請旨革職責令防剿
以觀後效在案該參員等於被革之後隨同地方官
踰山越嶺往返追剿備極辛勤此次聞唐訓方帶兵
台勦該革員等先期互相邀約並各捐資添募鄉勇
於山徑紛歧之處嚴密防守更雇鄉夫搬運木石填
塞要口唐訓方兵到該匪無路可竄乃兜逼於均州
武當山頂得以掃除淨盡迅速蕝事是其勤勞愧奮

尙足以贖前愆可否將已革署房縣事候補同知金玉堂房縣左營游擊文英城守千總鄧德仁署竹山縣知縣湯一德署竹山協副將揀發參將佛爾國春署保康縣事揀發知縣方兆科署保康汛守備千總熊運泰署興山縣知縣孫寶田宜昌左營游擊劉廷麟開復原官之處出自
皇上逾格恩施謹合詞
附片具奏

殊批金玉堂湯一德方兆科孫寶田均著開復原官文英等著官文再行察核具奏胡林翼現雖在軍營惟伊本營之將弁可由伊具奏仍應會同總督况官文有欽差

大臣關防軍務營伍均該督專責若委之巡撫殊非朕
倚任該督之意也該部知道欽此

閏五月初五日奉

胡文忠公遺集卷十七終

胡文忠公遺集卷十八

長沙鄭敦謹

編輯

湘鄉曾國荃

遵

旨會議懲辦逃兵疏

七年五月二十一

咸豐六年五月二十七日七年三月十三日先後準

刑部咨奉

上諭御史宗稷辰奏請嚴查潰兵一

摺著各將軍督撫將此項逃歸兵丁應如何懲辦之

處嚴定章程妥議具奏等因欽此查自粵匪肆逆以

來征調頻年協剿備防全資兵力乃各省營務廢弛

不明紀律或聞警先逃或臨陣潰散誅不勝誅一經

回營覲然入伍恬不爲怪查定例征兵私自潛逃掣
獲者斬立決在軍務未竣以前投首者發烏魯木齊
等處給種地兵丁爲奴軍務告成之後投首者擬斬
立決奏請 定奪立法本已至嚴罪名無可加重

惟受傷患病迷失路徑落後有因查非有心脫逃在
軍務未竣以前投首者免罪掣獲者杖一百徒三年
軍務告成之後投首者亦杖一百徒三年掣獲者發
烏魯木齊給兵丁爲奴等語詳繹例意逃兵投首分
別軍務已未告竣爲其有無規避也則在軍務未竣
以前回營者卽與自首無異惟患病受傷原可請假

調治若竟擅離軍營卽屬咎有應得應請嗣後患病
受傷並無軍營咨照擅自回營及投首雖在軍務未
竣以前均革退除糧若挈獲並軍務告成後投首及
挈獲者均照各本例辦理迷失及落後兩項軍行迅
速原不準其逗遛其稱迷失落後相距大營必不甚
遠卽應尋覓路徑趕赴軍前復何待於投首應請不
分軍務已未告竣但回營者均照軍務告成後投首
例杖一百徒三年挈獲者發烏魯木齊給兵丁爲奴
若無故逃回卽照例擬斬奏請 定奪如此明定
章程庶各營知所警惕而臣竊謂兵勇之強弱惟視

將頌爲轉移主將得人三軍用命譬如天君泰定則
身之使臂臂之使指百體因而從令誠如諭旨
將弁私逃尤屬可惡卽應嚴挈正法臣督師以來無
日不以選將爲急應請旨飭下各直省將軍督撫
畱意水陸將才爲國備干城之選卽爲兵專統馭
之權至地方官失察逃兵隱匿在境及經別處盤獲
吏議森嚴應由各督撫申明處分嚴飭所屬一體嚴
挈懲辦庶足以申軍律而肅戎行是否有當謹合詞
恭摺奏乞皇上聖鑒訓示

硃批刑部議奏欽此

各路官軍剿辦皖賊獲勝疏 五月二十四日

竊查皖賊分竄黃梅四月二十四日江甯將軍都興
阿督率馬步剿賊於渡河橋殺賊二千餘人平壘二
十一座賊氣大挫自是賊營移平就險移小併大意
在堅守伺我之隙我軍連日進攻賊於壘中施放鎗
礮五月初五日以後連日陰雨賊於大河鋪迤北依
山增壘三座十二日賊全數擁出攻撲孔廣順王國
才方映川及馬隊各營并攻黃梅縣城都興阿在陸
冢嘴聞信卽派多隆阿調齊馬隊取道白湖渡調霆
營黔營步隊取道濯港赴援營總密雅明阿帶江岸

馬隊爲接應時賊數萬正在攻撲孔廣順王國才各營我軍堅壁不動賊近以礮轟之多隆阿令馬步分兩路進攻賊恃水田泥深馬難馳驟先於要路排鎗抗拒鏖戰多時賊始卻退我軍日暮收隊賊又四面撲出多隆阿揮軍回戰參領西林布都嘎爾等由迤西山坡衝入賊眾披靡我軍追二三里而返比收隊已三更矣計殲賊二百餘名兵勇亦聞有傷亡此五月十二日賊撲黃梅各營都興阿派隊援剿獲勝之情形也其六安霍山之賊自前月我軍克復英山之後日思上竄安徽藩司李孟羣以援皖之師駐紫羅

田境上蘄州張家塆之賊則知府邢高魁統興國防
兵并由省調往之義寶虎三營合九江調援之仁營
駐於劉家河以超平立營會署蘄州知州彭應鯉并
羅田團勇駐分路街五月初四日李孟羣派知府朱
啟仁等會彭應鯉擊張家塆之賊於分路街勝之初
五日賊撲獅子口彭應鯉朱啟仁由分路街寒坡石
袁景衝三路而進並會馬隊由劉公河夾擊又勝之
賊退踞望天畝青石嶺等處初六日金家鋪賊眾大
至李孟羣派游擊張得勝由夫子嶺會團紳江樹等
擊之頗有斬擒初七日賊大出擄掠張得勝合團勇

會擊於黃牛衝擒斬百餘名奪獲鎗礮刀矛多件追至河邊而返初八日兵勇渡河五路分勦賊敗退沿途爲英羅團勇所截張得勝奮追斃賊無算是晚駐軍於英山界初九日張得勝等由樂利河進吳銘謙等由四口塘進巡檢顏培成團紳江樹等率羅勇由金家鋪直下廖新等率英勇由大畝河兜上賊列隊山頭相持四時之久守備陳炳南策馬斬大旗賊一名眾軍齊進賊大潰東竄太湖斃賊千餘名鎗斃賊首高立先並黃衣賊目一名擒五十八名釋脅從並幼孩六十二名我軍亦陣亡十二名受傷三十一名

初十日張家塆之賊犯分路街參將趙鴻舉策馬渡橋都司盧又熊暨超平二營分左右齊進彭應鯉率蕪羅之勇四路衝擊追至胡家涼亭斃賊無算奪獲賊米二百餘石賊仍回望天畷十四日探知黃梅大股之賊欲撲獅子口彭應鯉預爲準備十五日賊至我軍分兩路迎擊斃賊二百餘名殺僞三十七檢點一名僞指揮一名賊潰追斬八百餘級超平二營乘勝攻入盧又熊繼進破賊三卡賊忽分股來抄都司段清平步行揮刀直前血戰被害適馬隊衝至賊仍回望天畷堅守不出此五月初四日至十五日蕪州

羅田諸軍會合團勇勦賊獲勝之情形也臣查楚皖

兩省之交東則太湖宿松東北則英山霍山六安山

路紛岐防不勝防賊之分路四至實欲牽制我軍使

我不能兼顧彼乃乘隙而入直窺武漢臣於北岸厚

集兵力而尤慮毘連江西之崇陽通城興國大冶乘

我空虛狼奔突至現在副都統巴陽阿舒保馬隊先

後齊抵蘄州臣更調候補道唐訓方一軍合力攻勦

並可遙扼興冶似於防備更爲周密黃梅大河鋪雙

城驛一帶賊營蜿蜒二三十里張家坊之賊又退踞

雙城驛另抽大股橫竄黃梅廣濟賊情甚爲狡譎已

飛飭各軍分路進剿務期肅清邊界使李孟羣拔皖
之師無虞梗阻而李續賓之軍亦得專意下游力圖
潯郡除查明傷亡弁勇另案請卹外所有都司段清
平血戰捐軀實堪憫惻可否仰懇 天恩照游擊

例從優議卹以慰忠魂謹將黃梅蘄羅諸軍連日剿
賊獲勝情形會同督臣官文由驛六百里馳 奏

再四月十九日蘄州青石嶺魏家河之戰因賊眾兵
寡以致官兵勇丁陣亡二百餘名所有同知銜候選
知縣李景湖等五員業經隨摺請卹其續經查出之
千總何得升彭得勝把總聶宜春羅登吉外委譚義

時袁集新王得益宋魁元朱文清劉玉勝李金貴徐
中元徐守松武生李基玉均係是日同時力戰捐軀
情堪憫惻除陣亡勇丁另行查明彙辦外相應奏懇
天恩準將何得升彭得勝照守備例聶宜春羅
登吉照千總例譚義時袁集新王得益宋魁元朱文
清劉玉勝李金貴徐中元徐守松照把總例李基玉
照外委例均予從優議卹以慰忠魂理合附片陳

奏

硃批何得升等均照所請議卹欽此

再臣於咸豐七年五月十九日承準軍機大臣字寄

咸豐七年五月十三日奉

上諭安徽藩司李孟

羣由湖北帶兵赴援廬州途次克復英山著官文胡
林翼先速籌銀二萬兩解赴該藩司軍營以資接濟
等因欽此查李孟羣本年四月 奏派赴援廬州起
程之時籌辦軍裝並先籌一月口糧不下二萬兩迨
克復英山又於五月內先後籌解銀八千五百兩米
一千石該司因中途阻梗駐兵羅田所需餉項遵卽
設法籌運上紓 宸厯又 臣於咸豐六年四月派
兵往援江西起程之時除清償積欠外並籌行糧交
同知曾國華倍道馳援迨經克復城池進圍瑞州之

後又先後解濟軍餉銀三萬七千兩錢五千串經臣

於六年十月初八日附奏在案嗣因瑞州攻勦正

在喫緊餉乏兵飢臣又於無可籌撥之中於六年十

二月籌銀一萬兩七年三月籌銀七千兩五月籌銀

五千兩均委員解交瑞州軍營道員吳坤修同知劉

騰鴻彈收支發又道員彭玉麟江西內湖水師餉價

臣於七年三月籌銀三千兩黃金一百兩照例抵銀

一千六百兩又五月兩次籌銀六千兩均由駐紮九

江記名臬司李續賓派兵解交道員彭玉麟彈收支

發統計六七兩年除償會國華援兵積欠四萬不計

外先後共解江西銀六萬九千六百兩錢五千串雖
車薪杯水在援軍仍屬飢疲而羅掘分支在臣方更
形竭蹶重以大局所關不敢稍分畛域致誤事機除
撥解銀兩另飭該營分別造報外所有遵旨籌

撥安徽藩司軍餉並籌解江西援兵內湖水師兵餉
緣由謹附片具奏

奏陳九江長圍困賊迭次大勝及水師深入失

利旋復獲勝疏 五月三十日

竊查布政司銜記名按察司李續賓會同水師自上
年十二月逼攻九江情形本年正月二十八日會

奏在案李續賓開浚長濠自九江官牌夾迤南而東至白水湖尾計長三十餘里踰山脊四重畱東門大路爲誘戰追襲地濠深二丈寬三丈五尺募夫不足助以本營長夫復慮及上游陸家嘴轉運賊可越琵琶亭而截我糧餉其東達梅家洲湖口縣姑塘等處亂山層疊路曲峯迴尤防伏賊乃於要隘安置大礮並多設偵探晝夜梭巡二月初九日掘濠及東面城賊忽出四千餘人跳躍喊吶西面之新壩亦出賊二千餘李續賓急撤濠夫禁諸營勿出隊自率馬步繞出八里坡後崗又設伏於馬宿嶺約以聞坡後礮聲

悉力奮擊計踰兩時賊漸逼近各軍聞礮聲齊出斬
三百餘級又追殺七百餘名其西面之賊亦經陸師
何紹彩等會合水師轟斃五百餘名初十日賊復出
三四千於八里坡西壩亦出賊二三千另伏賊於坡
後茶庵李續賓令南路西路諸營出戰令東路勿遽
出自率馬步繞譚家畝楊樹嘴等處先敗其伏仍飭
蹲伏以待南路之賊初不知其伏之已敗也且戰且
走甫至坡後伏勇突起東路營亦同時撲出賊大敗
狂竄回城西路之賊亦潰敗由龍開河入壘四路其
斃賊千餘名奪獲擡鳥鎗九十餘桿騾馬八匹旂械

無算我軍陣亡藍翎千總毛丁山藍翎把總盧久盛
外委陳德林三員李續賓見賊連出恐其截我餉運
乃移湘前營護軍右營駐於官牌夾又因湖水泛漲
雇小划數十隻統以舳板水陸護送十五日探知安
慶來援賊七八千人十六日城賊大出約二萬人自
城之東南以至新壩蜿蜒數里旂幟如林我軍亦依
次列陣首尾迎擊馬隊從中衝出殪其前鋒二十餘
名賊不少卻水師從甘棠湖直繞城下轟東路之賊
官牌夾諸營於湖坪夾擊之西路之賊遂敗復沿湖
助擊東南營乘勢衝突賊首尾不能相顧自相踐踏

我軍縱橫衝擊田隴湖岸賊屍堆積餘眾狂竄諸營
尾追及城下礮子如雨其由城南縋入者我兵以連
環鎗轟之水師復以大礮攔擊無得脫者共斃賊二
千餘名傷者無數奪獲騾馬二十一匹黃紅雜色旂
一百五十餘面我軍陣亡藍翎守備陳德華藍翎把
總陳文勝外委陳光玉蕭有貴四員自是三月之久
賊閉伏不出而南岸長濠且告竣矣四月初皖賊數
萬人號稱十萬分犯蘄州羅田黃梅邊界江甯將軍
都興阿移師分勦李續賓亦卽分兵渡江駐陸家嘴
又分軍上援蘄州於是城賊乃逐日出擾憑濠施放

鎗礮我軍禦之互有傷亡李續賓因勻各營憑濠分
守而自移湘右營駐賽旂嶺并增募元營貞營一千
人駐嶺之左右聯絡諸營以扼其要其渡江援守之
仁營亦增募四百人以厚其力五月初十日賊大出
以悍者踰濠來撲我營李續賓令諸軍勿遽出戰俟
賊過濠及半以新習之馬隊衝之賊大敗奪路反奔
擒斬甚眾是日首逆林啟榮親出督陣我軍斃其僞
檢點指揮各一名蓋賊以分軍渡江竟敢乘虛來犯
也提督銜鄖陽總兵楊載福以皖賊分竄楚邊黃州
各屬皆濱江州縣因抽分水師礮船由九江上至蘄

州擇要停泊并飭副將李成謀都司銜守備易景照
移紮官牌夾港內與副將朱品隆陸營相依五月初
一日揚載福自至蘄州與候補知府邗高魁計議防
剿事宜是日辰刻官牌夾水師見賊船數十號上駛
李成謀等卽時出隊賊分兩路敗竄李成謀從新河
追之易景照從老河追之會於湖口而湖口賊船二
百餘號由梅家洲兩岸抄出又另股從扁擔澗包我
軍船之後其時西南風大起李成謀以長龍船禦扁
擔澗之賊而自率舢板乘風縱擊賊敗入湖口而不
知深入賊巢距本營已百餘里矣及回至扁擔澗而

湖日賊船復出尾追扁擔淡賊船沿南岸繞出我前
李成謀溯流上至小池口而城賊鎗礮齊發我軍逆
風逆水舟行不速被賊燬沈正右營長龍五號舳板
五號副後營舳板八號追上游來援已無及矣初三
日楊載福在武穴聞信星夜回營切責李成謀輕敵
深入查悉陣亡都司銜守備易景照藍翎守備張宏
升周德昌守備銜千總會其祥藍翎千總何良玉周
友交藍翎把總易景安陳棟樑鍾梨先藍翎外委甘
呈祥陶鴻盛擬保藍翎外委周云友翁南書葛有發
余有才楊復興甘德貴殷德才鄧南山伍德友哨官

文童張名對共二十一員又陣亡水勇一百四十八名初四日揚載福親督水師巡江賊以倖勝揚帆直拒李成謀衝入奪回舳板四隻擊沈賊船無數遂收隊以歸此五月初二日水師深入失利初四日復又獲勝之實在情形也

臣

查九江城賊蟄伏不出我軍

肉薄攻堅終難得手必須長圍坐困乃可永斷接濟惟李續賓原統不過萬人尙闕其東北一路未能合圍近以北岸邊界警報日至又分去四千人渡江協勦必俟北岸肅清乃可厚集兵力專意潯陽又據楊載福咨稱李成謀出隊輕率並自請

奏參前來

臣

查水師近年以來船礮從無損失李成謀平素忠勇
戰功尤著此次孤軍深入致有挫失尙於全軍無損
楊載福先期上巡蘄州會商防剿相離太遠該總兵
楊載福副將李成謀可否邀免處分出自
皇上
天恩除查明傷亡勇丁彙案咨卹外所有陸師陣亡
藍翎守備陳得華藍翎千總毛丁山藍翎把總盧入
盛陳文勝外委陳得林陳光玉蕭有貴水師陣亡都
司銜守備易景照守備銜千總曾其祥藍翎千總周
友交藍翎把總易景安陳棟棟鍾梨先藍翎千總甘
呈祥陶鴻盛均係奮勇捐軀深堪憫惻應請各照原

銜從優議卹又水師陣亡擬保外委周云友翁南書
葛有發余有才楊復興甘德貴殷德才鄧南山伍德
友可否均照外委議卹哨官文童張名對可否照從
九議卹以慰忠魂

謹按疏內邀免處分及請卹各員於閏五月初
七日接奉

旨準

再北岸之賊目爲陳玉成李壽成勾結皖省捻匪飢
民號稱十萬自四月以來由宿松太湖英山霍山分
犯蘄州黃梅廣濟羅田邊界實亦不下六七萬人其

黃梅一路經將軍都興阿翼長多隆阿督飭鮑超等
五營疊次勦辦五月十八二十二等日救援孔
廣順王國才各營并連破賊壘七處殺賊三千餘人
而踞險結寨之賊營尙多仰攻不易我軍精銳微有
傷亡都興阿以一軍當小池口濯港大河鋪三路之
衝日夜援應亦極疲勞其廣濟一路副都統銜巴揚
阿率四營往禦賊已退併蘄州之望天畷合爲一股
其蘄州之張家塆青石嶺望天畷等處之賊經知府
邢高魁參將何紹彩等於二十一日勦辦獲勝二十
六日舒保率馬隊百騎馳往督隊二十七日又大勝

之其羅田一路前已擊退我軍已進紫英山霍山所
有各路詳悉情形容臣等另案彙奏頃據下游探報
翼賊石達開領股匪數萬人於五月二十五日從安
慶彭澤分道上犯揚言分擾湖北并撥江西我軍備
多而力分自應併力迅勦力遏兇鋒再臣於本省鹽

課牙帖釐金極力籌畫除支應德化黃梅各營軍餉
并分濟瑞州劉騰鴻吳城內湖彭玉麟英山李孟羣
等處援軍鄂省之力實已竭蹶不遑楚軍深入潯皖
之交賊眾兵飢前準部議月撥秦晉蜀三省軍餉各
五萬兩尙未報解應懇
皇上天恩密飭山西陝

西四川各督撫臣如數如期迅爲接濟以振飢軍而

全大局

硃批戶部迅速分催欽此

胡文忠公遺集卷十八終